



丁

常熟山水清佳丞丞咸言子之流風其名公巨
詞人墨客往往篤生于其間而人文之盛遂甲于
天下然遊方之外必有英偉磊落之士委棄一切
獨往山林自高而不出如所謂四高僧者欲從而
求之不可得其後得一人焉則素公是也素公性
孤介不屑遊富貴之門得法於雪老人四方之學
者屢請其為導師未嘗不往亦不久留蓋架大屋
養閑漢非其所好也性喜為詩邑之名士皆樂與
之遊而余亦得竊與焉且以余可與言詩嘗謂余

曰詩之為道也發乎性情成乎學問田夫野老之言單辭隻句至今傳誦而人不以為朴由乎性情也若夫清廟明堂之上懷人即事之時出言有章而無固陋舛鄙之習非學問不為功然所謂學問者必原本乎經史根柢乎詞華與性情相涵泳其頽也厚故發之遠使徒徵事於類書乞靈于韻府月露風花連篇累牘無一由中之言是有膚而無骨有形而無神者也詩人固如是耶夫三百篇者詩家之佛祖也性情者清淨法身也學問者圓報身也漢魏六朝唐宗元明諸詩人千百億化身

趣上人之詩不學儒而禪理禪趣中并不違於儒言儒行知得力於友朋劇刃者為有素也憶戊申首春訪上人於山菴坐蒲團聞妙香聆清磬聲拍令心骨閒冷今相距十有一年兩目眇昏髣絲俱白殖業頽隨而上人德力精進兼以詩學提唱後人視十有一年不啻恒河數中一彈指頃知外人內天游於方外者天不能以日月限之也他日重詣山菴追尋舊踪如話三生并印證禪理禪趣禪語之說上人應必有以教我

乾隆三年戊午立秋日長洲法弟沈德潛題於靈

巖山居之歸愚齋

詩貴有禪理禪趣不貴有禪語王右丞詩行到
窮處坐看雲起時松風吹解帶山月照彈琴韋
州詩經聲在深竹高齋空掩扉水性自云靜石中
本無聲柳儀曹詩寒月上東嶺泠泠踈竹根山花
落幽戶中有忘機客隨江山魚鳥烟雲花樹友朋
酬對皆能悟入上乘可以證禪理與趣足也宗人
精禪學者孰如蘇子瞻然贈三朶花云兩手欲遮
瓶裏雀四條深怕井中蛇意盡句中言外索然矣
解此可與讀素風上人之詩上人性地既高沈寂
淵泊屏居虞山篤友生之誼中有所得發而為詩

疾痛煩惱搬柴運水皆成韻語不必刻意求工而求工者自不能到惟理趣而得也中尔有以禪語證禪處要皆不背不觸不定不亂跡外間禪習乞靈於弘秀諸集執着語言而汨沒其性靈者夫亦適為禪縛爾已予於虞山詩人前哲如王僉憲西澗同學如陳進士見復汪貢士茶圃侯秀才秉衡王秀才東淑皆後先結契五詩人者或秉高格或主性情或崇才華典碩雖風裁各異然皆原本騷雅每能匡予不逮上人生於其地志與倡和贈定方内外交五詩又者不學禪而每通於禪理禪

也余聞其言而知其深於詩者已今素公年垂七十矣息靜三峰出其生平詩集屬沈確士為之定得若干卷且命余為之序余與素公交最久患其為人又時見其詩其清潔則皎然也其蒼秀則賁休也其雄肆則齊己也詩家之能事備矣誠可以傳矣後之讀其詩者可以見素公之性情學問知四高僧之後果有繼起者黃岡法弟王材任頓首拜撰

夫人而可為詩也釋子之為詩獨難曷言之夫酒
食聲伎豪俠冶遊神仙閨房皆詩所取材也而於
僧也不類憤激怨懟流連繆綉哀而悼屈念往
而傷離詩家之至情也而於僧也又不類盡舍此
而為詩為詩不亦難乎若只在僧言僧取其可以
得句先呈佛者貫休語毋尔近於偈言與其所謂話
頭彼我對觀猶儒門之道學詩矣又奚取乎為詩
雖然謂詩材占詩情必資於前所云者漢魏以下
之詩則爾非詩之本教也詩以道性情情必軌於
正情之正者大率淡泊而和平外不假於酒色聲

利之屬內不涉於憤激怨對種種流宕之詣一切
捐舍乃還天真然則僧不為詩誰宜為者又況解
脫以後空色為一是非雙遣安知吾疑其不類者
彼則以為皆類即於此中現其所謂真實相耶町
畦之見何足識之西菴老人畫徹貫可之儔為人
和平澹泊緇素罕有詩品亦然復兼清遠高秀之
致屬予序其橐因論釋子為詩之難而不難者以
質之望有以教我

乾隆己巳年社弟陳祖范書

情不摯不真不可與言詩心不空不脫不可與言
詩誰兼而有之其素風上人乎上人歸空門何言
情於其幼失怙恃垂老猶繪椿萱圖以識哀思有
古孝子之風焉牽於情矣何曰空上人實能捐嗜
慾忘勢利外形骸見地空明非世俗文人可擬以
是至情之真脫然塵表故可與言詩者莫若上人
或疑坐守蒲團局於聞見固陋之譏不免乃上人
則自幼精研內典暇輒喜吟博覽群書受業於邑
中宿儒錢湘靈先生志得詩法源流同社多名彥
時相切磨又禪院居勝地助以山水之清竒天復

假之年神明不僂以益老於律此詩之所以工也
余嘗訪上人於三峯再謁長壽菴上人年且耄矣
况其穆若清風靜如止水不言詩而恍得詩之意
及出其集視余帙繁而選存者甚謹嚴長洲沈宗
伯之所評定邑中見復西京東淑諸君子之所推
許皆不虛也上人道行與詩名益稱其為禪宗乎
詩老乎一任緇流藝林景仰之而已上人何居焉
乾隆己巳年冬十月崇明法弟栢謙書

禪門文字偈頌二體而已嘲風雪弄花草非衲衣
下事也如必款長言之咏嘆之則自有緣情之體
在偈頌之語又不容參入焉稽諸古德必貫休齊
己之流皆不廢吟咏迄今名章秀句載謠人口曷
嘗有片語沾滯禪障哉宗門語云鐘中無鼓聲鼓
中無鐘聲鐘鼓不相參通乎此者可與讀素公之
詩素公儒家子也而學釋氏學年甫弱冠即受記
荊於靈谷老人息影焚脩垂三十載里中推為清
淨僧禪誦外間以筆墨為游戲而有韻之語特工
蓋以詩為詩不以偈頌為詩此所以工也不為偈

頌之言而無非偈頌之理此所以尤工也。以是追
貫休之步而躡齊己之踪其庶幾乎素公一日哀
其所作囑予點定且曰予今年五十老矣却後當
焚棄筆硯掃除文字緣子知我者其為我識之願
予聞佛氏之論謂應以何身而得度者即現何身
而為說法今吾黨之交素公也以其工于詩故素
公即以詩為說法而勾牽吾黨之士脊入佛智又
何用焚棄筆硯為也。自今以往即謂素公之詩是
即素公之偈頌也可。

康熙壬寅仲春上浣法弟王應奎拜撰

西菴和尚傳

和尚名律度字素風更名律然号西菴族姓大河
秦氏世有聞人父耀卿母楊年三十未有子禱于
武林天竺而娠生以康熙壬子八月十七日四歲
失怙母教之識字輒書聞誦心經即能默記九歲
揚感夢大士摩其頂遂禮長壽庵午月恒公為師
恒公和尚族姓也庵在石梅小三台下踰季母亦
歿和尚年在駟烏禪課精敏見有詩文投贈恒公
者披玩不去手十七祝髮二十六受具戒於三峯
碩和尚又五年聽講于吳郡永定寺弘方法師明

年參學三峯雪亭宥公又三年授以衣拂和尚體
質清癯神明迴澈研精內外典無所不闕少時嘗
病頭風疾發痛楚不可耐夢一媪教以持誦金光
明經覺而遵其說病良已幼好聲律圓沙錢先生
嘉賞之謂文字不妨于禪為指示蹊徑和尚執弟
子禮未三十翕然以詩鳴且以和尚命宮無火更
名曰然号以西庵作說以記之蓋莽自恒公化後
枿為二和尚住西頭云平生不慕貴遊不事緣化
坐一室大僅如斗圖書梵筭錯列左右居然名士
風流馮簡緣顏以息影過從酬唱有七閑之號不

異已公茆屋也晚尤耽靜然以能詩故郵筒贈遺
殆無虛月如西澗話山見復堊堂白邨岷茶圃
商岩諸君子尤竄著者也先是恒公嘗琢石鵲馮
丈補之所書金經和尚嵌置于壁在息影之左西
澗先生題曰石經室和尚六十年中坐卧不出此
二室鐘魚梵唄響徹林薄嘗書是日已過命亦隨
減語拈座右晚年專修淨土衰病膜拜不輟自謂
福德涼淺不受榮名利養遠近欽其道範延之設
放焰口得觀施率買魚鳥放生不留看囊一錢也
法孫貫公既主清涼喜法門有人脊白雀古寺可

避俗徇衆請四度夏臘旋返石經雅愛山水而嬾
出門歲中惟往來清涼淹留旬時而已詩老益工
吟益健清真磊落蒼潤娟秀自三十有自紀詩嗣
後十年輒賤同人次韻轟轟如束筍聯為一冊以
紀歲時至乙卯克復東庵亦如之昔錢宗伯撰寄
巢源公傳歎悠悠末劫惟師可與一笑贊為貞清
淨僧數十年來梵行詩篇可希風源公和尚一人
而已余亦往來林下久而益善相顧婆娑頓成二
老爰為傳其大略以俟他時謨高僧者有所據云
乾隆乙丑佛誕日竹鄉法弟孫淇和南撰

息影齋詩鈔卷上

虞山 釋律然 素風

山居

賦性本踈嬾合結居山緣誅茅傍竒石容膝止數
椽松花飯堪飽薜荔衣可穿伴侶只麋鹿來往惟
雲烟高松落清濤幽鳥和鳴泉野花不知名紅白
爭鮮妍閑吟到谷口長嘯登山巔景物攬無盡是
中有真禪

夜坐

白晝苦煩熱灼人四體慵日落暑漸退獨坐空庭

中披衣怯清露息燈憐飛蟲明月澹銀漢高樹來
薰風頓覺萬籟寂心地超九穹仰視斗柄橫一聲
深山鐘

臘月廿四日登山夜眺

尚餘六日此殘年薄暮登臨興洒然高齒屐聲鏗
石上過頭杖影卓雲邊女牆光界千家火閭井寒
消萬竈煙最是混茫通一望漁燈點破尚湖天

馮服之遠歸見訪

追數離愁愁至今雲蹤剗得聚祇林儘舒懷抱同
蕉葉猶斲慈悲與菜心曆閏歲餘冬較暖山高門

外日長陰相看細話年來事剪燭西窓夜已深

老樹

非樗亦非櫟幸以不材全屈曲根多出槎枒節自
堅我看三月暮人說六朝前知有鳥窠在安心問
老禪

催梅

雪壓霜侵鍊骨支候風邀勒故遲遲先春一月含
香待靜似禪心入定時
林逋去後少知音誰共孤山坐夜深我亦與伊同
臭味未開時節早關心

夏日集固孝廉旬成齋

北窓隨處好此處絕纖塵味道全歸淡譚空自會
真夢無塵裡事吟有病餘身碧檻須栽藕君其問
水濱

蓮房

零露卸薦紅累累綠水中子涵分井月香散落鬚
風衆目簇當戶一拳擎向空蜂臺那可擬取象若
為同

藕

居然清淨體無礙泥中花葉皆由此身心搃屬

空絲絲期早斷節節暗相通倘入平原席浮瓜也
許同

閑適二首

踈懶吾習慣閑適足此生香播影活潑清磬聲和
平雲光半嶺度山影虛窓迎壁壚茶既熟木榻夢
亦清不解蠻與觸何事起紛爭

愛靜復愛閑甘為世所棄偃仰斗大菴悠然有餘
味世界本來寬天帝何曾醉百年迢遞期一覺曹
騰睡有患因有身無欲自無累脩然半偈持吾知
素吾位

秋興次陸曠庵韻

桐飄風瑟瑟雲襯嶺重重小坐還臨水孤懷自撫
松離人千里夢別院一聲鐘睡美不知曉山寮露
氣濃

稻花香曠野水色淨秋江帶屋星三點眠隄鷺一
雙涼能蘇病骨熱似避禪窓會勘風播後心旌亦
併降

庚辰元日同人小集山庵得香字

歡賞從頭集州堂僧厨却少五辛芳客來似隔東
西讓禪坐何分上下林苔琰漸收除夜雨梅椒欲

逗戒衣香即看山色青如染引得門前屐齒忙

雨中探梅

淒迷煙景罨樓臺剗值冰姿帶濕開底事東風不
相顧半隨清吹落莓苔

破書和孫陶菴

一字無知笑粉蟬空憑侵蝕作書淫魯魚辨處依
稀訂甲乙亡來次第尋曦向腹中成碎錦秘於枕
內比兼金從今更倩裝池好展向山牕儘會心

破衣

膩痕不浣鼠曾傷狐貉相逢豈減光晴帶烟霞舒

石嶺寒欺風雪擁雲堂
歷殘歲月全無色不染塵
埃別有香自是衲來猶未了
漫拈殘線坐朝陽

山房坐雨

驟雨兼風勢作狂
頓教煩暑變清涼
離披蕉葉憂
牕響零落桐花撲
院香泉湧籬根分
活水雲開墻
角漏斜陽舉頭不覺
雙眸豁洗刷孤峰
色較蒼

夢中得三四句覺後續成

竹榻人初醒
松窓踈影交
月寒蛩入戶
雲破鶴歸
巢書卷病都廢
詩情夢未拋
漫吟還漫續
無事費
推敲

次韵訓馮寶伯先生寄懷

風雨經旬滯好音
閑中遙憶更情深
牕留明月山中夢
詩乞餘霞紙上心

見次休寄白香山詩

帶露剪蔬供午

饌趁晴策杖躡春岑
那堪竹下兼松下
一別清光直至今

歲暮雜感

最愛幽居接翠微
竹編籬落版裁扉
梳翎老鶴迎
霜瘦得氣踈
梅飽雪肥
棊几燈殘
拋蠹卷
繩床衾
破覆鶉衣
白雲片片
檐前宿
解伴清閑不肯飛
結箇茆菴窄
復任聊憑谷汲
與巖栖
忘飢幸有三

條篔簹卒歲還餘半瓮壘漏轉蓮花傳研北杖携筇
竹過雲西山僧久斲癡人夢不入邯鄲自著迷
歷盡冰霜未見春蠶僵蝟縮且因循眼前蕉鹿都
成誤水上泥牛豈是真風沫有時還現我湖山何
處不容人莫言罌礎消除盡一日三餐亦累身
曲曲籬笆小小門經年冷落閉山邨鐺翻細浪茶
初熟火簇枯枝室漸溫驀起一塵成翳障猛撐雙
眼竟乾坤休繙梵筴尋前夢此事寧留過去痕
竹樹蕭疎落照遶山厨一縷起炊烟刻長小劫殘
冬候界抹微塵擬雪天錢馬寒嘶風力緊銅壺凍
咽漏聲傳分來弥勒雲龕小衾攤雙趺坐夜禪
編繩為座石為屏位置中間一草亭量笏軒牕寬
偃仰懸壺天地迴清寧飛騰去日揮難返蒼白浮
雲變不停放下身心隨分是半龕佛火兩函經
寒威未減日初昇南向踈櫺似凍蠅籬落風清初
種竹澗邊聲聒尔澌冰從無長物為身累剩有餘
生免世憎隱隱山頭雲欲歛肯依落窠一閒僧
九九消寒漸解嚴好移清簟卷踈簾縹囊自愛親
黃妳布被休貪入黑甜日影驟升當嶺缺煙嵐徐
起剩松尖料他白社諸吟叟早約西郊趁酒帘

鶴

柵遶闌圍壁落分看他鷄鶩各成群
結巢自在蒼松頂來去惟隨一片雲

蹠躑瘦影解尋幽閑啄苔花石徑
秋直與山僧同寂寞平生不會稻梁謀

秋窓聽單曾傳彈琴

火雲色澹天入秋玉露初零暑漸收
西風戛樹送清響蕉牕竹徑餘颼颼
恰遇幽人抱琴至泠泠遠指排宮徵
乍疑長松落夜濤旋似古澗咽流水
轉聲鐵馬捲地來雷轟霆激驚喧
逐四座帖然寐不

語幽情歎會煩襟開天地正聲今尚傳
不知存指還在絃離指離絃兩無著
此中至理妙合禪彈罷餘音嫻不絕
閑階颯颯飄梧葉蕭然步屨臨中庭
鶴立喬柯暖新月

許青浮先生見訪

課餘成小坐有客過茅蓬
暝氣一窓日乾聲半樹風
置身閑曠外得句雪霜中
餠餅雲門好茶傾七椀空

書息影齋壁

一箇茅庵傍石阿
小二台下絡烟蘿

庵前峙三巨石名小三台

雲封深谷遊人少果熟空庭野鳥多
某水某邱類散跡不衫不履漫行歌
寸心早已同灰冷遮莫春風掠耳過

藕花居

不住重城不住山偶來邨落設禪關
板橋伍架通花徑竹柵斜排傍水灣
檐矮每妨孤杖過牕虛恰受野雲還
風塵瀕洞門前路收得閑身十笏間

追和唐人病馬五首

有引

壬午秋寓吳門永定講寺同叅天菴師檢
曹唐病馬詩屬和余謂此懷才不得志之

作非我輩所當寄託天庵曰筆墨游戲夫
何不可因笑而頷之

舊是騰黃出渥洼只今羸病滯龍沙
倦眠衰艸霜偏重寒踏西風日易斜
腦絡長麻悲斷髮腹空顆粟耐鉗牙
幾時得沐孫陽願剪拂從教認五花
年來口齒已生齋不得天街展四蹄
轅下豈徒悲局促途長應怯路高
伍最憐虎脊惟存骨可奈龍腰半染泥
騰踏功成竟何日一瞻雲漢一長嘶
瘦骨查牙蝟縮毛驚帆空說駕飛濤
齒殘白草秋風冷飲盡清溪夜月高
錦障有心還自惜金羈無

分向誰號烟鬢霧鬣泥沙蝕若箇垂矜試剪刀
電邁神行瀚海翻也曾比擬是龍孫麟形歷雪無
生氣雞目衝風有淚痕增燈久淹長坂道疲羸難
傍五侯門誰能餽飼供鍾乳力足還期報主恩
久困鹽車不耐看况堪筆策益摧殘蘭筋消盡霜
蹄軟汗血拋多風骨寒寒莫那甘終戀棧低徊猶
望出泥蟠跛狸捕鼠泛輸技始信空羣賞識難

秋日山居

架得茅茨傍翠巖藤蘿輾轆路紆盤慣因鐘動趁
朝課偶為泉枯悞午餐四面好山收宿雨半肩破

衲護輕寒晚來携杖門前立萬壑雲烟放眼看

馬扶義移居次韻

比鄰相送亦相嘲手植名花一旦拋却喜新居松
百尺白雲來宿鶴來巢

小樓如畫矗雲間樹作藩籬石作閨花管一枝忙
未了滿浮大白看青山

愧我生成一懶僧除於懶外百無能愛君樓上青
山好嬾極還能破嬾登

曉庵和尚駐錫隨安簡荅

有跡偶然成寄托似雲留影水留痕山根覓得安

禪地不二新開松下門

題南亭圖

大 遠池竹萬竿映牕山一帶誰言天地寬祇覺南亭

落梅

和風和雨點苔紋漠漠殘香靜裡聞林下積來渾
是雪嶺頭飛去半為雲不須橫管催江郭最惜空
枝冷夕暉啁晰青禽豈無戀放衙蜂晚任紛紛

納涼

空庭暑氣薄寂坐愛黃昏入竹風生勢過墻月有

痕漏疎知夜永天淨覺星繁相對惟頑石終宵無
一言

陸別駕忍庵齋玩月

三秋恰值平分候邀月開軒坐晚涼虛影碧涵千
頃水寒光清徹一連霜可堪轉眼經年別最惜當
頭此夜長斗柄漸移更漏永更教促席就迴廊

秋雲

秋高飛片片舒卷一何輕不厭遮林暝翻嫌翳月
明依帆歸極浦送鴈度荒城涼影一何薄相看感
世情

秋月

碧宇懸金鏡澄輝徹五更淨能添露白涼覺助風
清歛訝水鋪地轉疑霜滿城幾人當此夕蹋得影
分明

秋水

恍會蒙莊意迢迢遠浦秋一篙晴見底孤櫂月當
頭漲岸寒光迴涵空爽氣浮春波徒激灑爭似此
清流

秋雁

隨陽何處好萬里路悠悠塞北傳霜信江南動客

愁陣排雲隱見聲斷月沉浮終擬冥冥去稻梁寧
為留

與木樗和尚話別梅花下辱贈次韻

獨標瘦骨老巉阿雪霽風餐奈尔何一樹蒼松數
竿竹歲寒知己本無多

焚香

氤氳裊篆輕烟起時向瓦爐添栢子寒氣旋甦斗
室溫清香暗透蕉窻裏寐坐蒲團夜漸深爐中火
息爐灰死一心寂照萬緣空琉璃光徹明于水

佛日集嚴師璜南亭

觴咏映何處南亭七子同清和逢佛日樸素愛儒
風曲檻浮虛翠平池點落紅吟餘珍重意多半白
頭翁

屈堂大師歸自都門過訪兼示見懷之作次
韻

隔年山寺夜惜別話孤檠等是浮沈客都忘去住
情蘆花東土渡松聽六朝聲京雒塵無染心清跡
自清

雪中訪鶴臞和尚

梵放逢初霽携筇一叩關幽尋雲裡寺寒踏雪中

山歲事梅俱冷生涯鶴共閑松牕茶話久日夕竟
忘還

荅樾亭大師次韻

滿徑飛花雨後天茶煙輕颺透林邊長謠便暢無
生盲不是詩中別有禪

草屨蹤跡却輸君餅鉢隨身遠世氛一自清涼歸

茂苑水田衣帶萬山雲

師方游
五臺歸

梅坪訪石語和尚

偶訪山中客携筇到小園新篁撐石徑老樹壓柴
門雨足三春候池添一寸痕相逢但玄對吾道本

無言

題許白村靜觀圖

萬物何足觀不若觀無物無物處有物便是如來
佛閉眼斷生滅垂手非伸屈無物并無我乃得靜
觀訣

漫興

向老耽閑怕見聞終朝寐坐對爐熏磨心慧業餘
三學障道吟情剩幾分真味那如屋下水故交程
有頷頭雲自來吾教無文字從此應將筆硯焚

新篁

卸籜抽梢乍出林
牕添淺綠砌添陰
和風和雨凌雲去
道是無心是有心

苦雨

禾黍不登望二麥二麥將熟連千陌黃童白叟爭
謹騰一畝酌收可一石黃梅霪雨時淙淙麥穗浥
爛歲轉凶頻年憂旱今憂澇比戶釜甑都塵封老
屋淋漓坐具溼身雖世外愁亦集三千大千世界
寬笑我一身無地立願佛法力施無窮收制毒龍
歸鉢中慈雲擁出日曛曨普天匝地歌年豐
破山訪牧堂和尚不值

五月四日天乍晴忽憶舊好出北城山路行行三四里松聲一路雜澗聲群峰環拱滴空翠不覺孤筇入幽邃踏破蒼苔渡石橋閑雲密密封蕭寺僧雛相見語笑溫告余師纔出寺門烹茶牕下久相待師竟不歸天漸昏欲留款去心猶豫芒屨仍度雲深處嶺頭日下暮鐘殘青山長住雲還去

訓白村見贈次韵

結念寄風雅得君愜素心未遽窺墻垣已知堂奧深長篇忽見貽披誦開胸襟古人貴贈言一字踰兼金山窓恰霽爽片雲度遥岑珠璣發異彩鐘鏞

吐洪音豈獨歷時輩老氣橫古今嗟余好聲律擁衲恒苦吟雙扉聞剝啄都半騷人尋詩成八义手長歎空秋林歸鴻天外急煩君撫瑤琴

四十自紀四首

仲雍山下尚湖濱結隱松龕計四旬已悟鶯花春後夢劇嫌烏兔影中身烟霞賦性真成疾木石為心早斷嗔塵事役人從歷歷不妨随分了前因杖笠隨身得自由五峯雙樹儘淹留凍雲跡嬾難諧族野鶴心閑豈解愁會法點頭頑並石寄巢無地拙於鳩浮蹤喜是江湖濶來去差同不繫舟

自是輪囷一散材托根還在白雲隈觀河已換鏡
中面宿火才餘爐下灰伴我虛衷憐瘦竹向人索
笑惜寒梅住山長束三條袋掩戶容誰破綠苔
霜點頭顱垢滿顏年來何事尚相關枯腸似雪寧
因熱冷眼無塵只看山莫問滄桑身外劫儘拋日
月病中閑而今喜得行持力賸有詩情欲并刪

哭履貞

有引

履貞名儀一邑中王氏為余剃度弟子性
敏慧學佛甚勤暇則問字習書蓋方進而
未已也相依五載於客冬得疾今春二月

辭世年僅二紀余惜之作挽詞志哀

塵夢真同鹿覆蕉懸厓撒手去迢迢衝寒猶記前
春事扶我看梅過板橋

閑來筆硯鎮相親潑墨臨池迹尚新半笏隄塵還
賸在篆來原是墨磨人

瘦權癩可合隨肩遺句猶傷識兆先從此年年揮

老淚菊殘楓老暮秋天

履貞將病時句

煙雲疊疊護禪扉物在人亡冷夕暉忍見綠陰墻
外樹枝頭猶掛去時衣

哭馮翁服之

廿年結托忘年契青眼偏憐粥飯僧澹澹交情清
似水淒淒心事冷于冰春郊携屐分詩草夜雨連
牀共佛燈今日影娥潭畔路往來惟伴一枯藤
七人曾結南亭社良會招邀日不虛笑口客開花
下酒行齋我翦雨中蔬三株老樹悲巢鶴一架陳
編落蠹魚勝事追尋何處是秬留殘夢托蘧廬
草菴得旁草堂邊早暮過從步屨便消歇雄心聊
種菜栖遲晚歲更逃禪虎溪尚憶三人笑蓮社難
期再世緣從此芙蓉城有主雪驢金勒許誰聯
平生艱苦日相磨失路英豪奈若何仰首尚餘天
幾許埋愁不道地無多今朝蒼格詩中見昨夜清
言夢裡過慧業空留一坏土離離宿草覆巖阿

贈黃在宥

兩載風塵劔與書舊秋深喜賦歸與家山好睡三
竿日徑菊猶存五畝居邀客論文消竹葉留僧添
供出梅菹行葢最得閒雲意儘向晴空自卷舒

重五後一日同人集息影齋分韻

轉眼天中節乍過尋詩客又到山阿塵緣每向吟
邊斷勝事偏于冷處多叢翠出牆搖嫩篠小圓貼
水透新荷下方覺渡聲猶沸不放踈鐘接擢歌

集忍菴別駕山房追和白香山夏日閑放
牕前日平西炎暑罕客至素懷托清涼閑散喜得
地吾生出世久真率非放恣高梧布重陰苦茗破
昏睡泉石既多美笋蔬有餘味如此年復年安問
事何事明月與清風一錢尔不費所以香山老淡
視軒裳貴

荷花生日孫畏之招集玄對齋池上分韻
紆迴石徑半苔封喜有荷香引屐蹤池漲綠侵籬
脚草雲開青出屋頭峯孤懷看雨吟逾澹清話消
茶味轉濃賦讀天台從想像恍依橋畔第三松

秋風次周以寧韻

忽覺商飈動淒淒引亂蛩起蘋凋錦樹入夢透霜
鐘涼吹和哀雁驚濤壓勁松鱸魚偏應候歸思阿
誰濃

臘月既望同人舉消寒之集有懷鄧尉梅花
分韻賦詩憶癸未春與服之馮先生曾過山
中忽忽十年矣數去日之寢馳追舊游之如
夢漫成十絕以識吾慨

試量雪水自煎茶偏到年殘興轉賒野衲近來諸
念冷情牽清夢只梅花

孤高何處躡雲蹤
百里湖山思萬重
挑盡殘燈還
獨坐冷看斜月下
前峯

春轉江南歲盡時
山窓兀坐費遐思
西灣東坎花
如海破臘先開有幾枝

空山流水訂幽期
歲暮孤蹤負舊知
記得風前花
下坐滿身香雪冷吟時

寒影蕭疎一抹雲
相逢還記董家墳
不知此際冰
霜裏可較當年瘦幾分

惆悵席山橋畔路
一回相別十年過
若教重到花
應笑髮較于花白更多

雪擁柴門晝未開
置身疑在亂雲堆
西山卅里寒
香路驢背詩又幾箇來

幾度相尋犯曉鐘
闔閭城外識東風
別來何限思
君處約畧霜稜雪點中

閑追往事情如醉
吟入踈叢句自寒
寄語山靈為
珍重兩三分
放便來看

一逢春至一關心
撥盡寒灰到夜深
贏得湖邊舊
游侶衍波十幅寄清吟

次韵馮念修見懷

遠惠新詩好
訓無一字能感君
名下士念我病餘

僧緇素期相賞雲山喜共登此時勞夢想蕉影上
窓楞

寓懷

寄跡空山又早春蕭蕭餅鉢儘因循幾多未了生
前事剩此無聊病裡身沸海那知防滴水翳天終
擬拂纖塵松龕廓落蒲團穩幸免藩籬更借人

村居夜坐

月色微明上草廬清輝引我步庭除樹頭風落心
俱爽水面煙開意亦舒小砧蛩聲如唱和斜窓燈
影共興居荒寮慣是耽岑寂况有行囊一卷書

贈單曾傳

嘈嘈聲滿耳半是箏與瑟廣陵譜不傳此道嗟久
失吾虞有高人技絕誰能匹一撫清風來聲和神
共逸韻隨指下生曲從絃上出朝彈復暮彈春秋
已七十絲桐養性情君壽知無極

讀書臺登高次江挾庭韻

水聲山色冷秋光滿地松陰漏夕陽多謝白雲留
我住淨籠苔石當禪床

望裏煙密半有無挿雲金碧兩浮屠眼明最是西
南角返照光開尚父湖

吳靜川見訪有作辱贈次和

蠟屐頻從熟徑行山光雲影解逢迎得親有道情
偏洽相對無言味更清捲幔儘教延爽氣携琴還
擬借松聲新詩幾番摩挲看飛彩平添老眼明

賦得松竹遠微青次揆連韻

青青松與竹遠望色偏微慘淡寒光合淒迷翠影
飛聯叢烟漠漠凝碧雨霏霏逸韻消虛籟清陰炯
夕暉隔林還隱約別岸更依稀最引遐觀意溪翁
坐釣磯

暮秋四日集許南交金橙書屋分韻

瑞草橋邊路書聲隔市囂菊開標節晚橙熟報秋
高月旦近推許詩篇遠和陶重陽更相約山館試
題糕

答顧筠峙同學寄懷

憶從三峯寺訪君城西樓留連直竟辰詩卷兼茶
甌相對淡忘言欲別還遲留白雲宜空山依然返
林邱別時訂秋近鼓興來山遊即今涼風動秋光
正迎眸盡日望君來君果能來不自憐情性別枯
槁希同儔襟懷孤月冷氣味寒風道念君經世才
鱗甲方潛修高誼揭雲漢涓埃莫或酬每欲道積

懷一見曾未由新詩百餘字無乃珠暗投展之三
復吟珍重意綢繆遥岑舒望眼竊照名堂風颼颼

盆梅和陸冶城孝廉韻

遠自銅坑路移來舊瓦盆低枝開小朶淺土托孤
根石瘦寒添影苔滋碧著痕暗香浮破硯微雪點
清尊差少冰霜虐無多雨露恩夜深禪罷候疑坐
水邊村

雨阻不得赴許陽谷之招即事奉簡

絮泊萍漂空散漫沾泥疊岬便淹留思量絕不妨
來去一碧滄波兩白鷗

趙恒山重葺東谿草堂次韻

出山雙屐響徐徐來訊先生近起居閱世味深翻
奕譜濟人心切篡方書眼中靈境超塵壒醉裏高
吟振碧虛門有垂楊籬有菊結廬真不異陶廬
僻徑紆迴步屨徐城居彷彿是山居諾傳鳳尾爭
求字松作龍鱗驗著書人似梅花情冷澹榻臨溪
水夢清虛料應材大難為用且卧南陽舊草廬

集孫畏之玄對齋追和石田贈西川翁韻

占得清泉白石隈交加梧竹壓莓苔山僧飄笠携
雲至野客壺觴問字來豆蔓放侵斜徑遍藕花平

擁小橋開池波雨過添三尺突兀涼臺是釣臺

訓王西澗僉憲次韻

綠陰鄰借隔塵氛兩版禪扉對此君喜有新詩叅
梵唱好憑清韻證聲聞白松筵小開明月金粉牋
長襪彩雲訝是荒寒山一角夜從西北辨星文
窮巷斜分一徑深到門芳艸繡衣侵桐知風力旋
零葉菊觸霜威乍吐心人味道腴全澹泊山含秋
氣半晴陰麓踈自咲編蒲手織錦機頭取次吟

得蔣遷理山左寄書賦謝六絕兼呈令叔雨
亭大中丞公

轉頭一別一年餘息影空山歎索居羽翼順風鱗
逆水多君先我寄來書

開緘直似笑言親雜誦風前愴我神迢遞郵筒二
千里半懷山水半懷人

自笑塵緣未了身困眠飢食任天真箇中三昧何
曾有愧說諸山第一人

鎮日思君倚石欄孤吟每到夕陽殘劇憐長夜當
頭月一片清光兩處看

茫茫塵海足蟲蠅也著癡頑一病僧心似冷灰形
似石齒芬何幸得中丞

親知飽德已多年，世外猶蒙破格憐。
不信深山水，雪裏荒厨時見起炊煙。

病中口占

寂寂荒菴掩綠苔，版扉旬日不曾開。
今朝獨子籬根吠，知有鄰僧問疾來。
尚餘骨立此孱軀，梅比淒清鶴比癯。
生性怕從人借力，下階只倩瘦筇扶。

題翁汝復孝廉別茶圖

青松白石啓巖扃，火活筠爐水泛鉸。
如此襟懷真澹泊，就中風味最清泠。
閩江舊勘端明譜，高道名泉

新叅桑苧經應許，山僧同小坐。
鬢絲禪榻挹餘馨。

丁酉人日集蔣星來齋次韻

才過元日又靈辰，甲乙乘除半月春。
栢葉初開殘臘酒，草堂重聚白頭人。
雪消山館寒猶峭，吟對梅花思較新。
暗數年華君最長，一時杖履見遺民。

汪西京新葺樓居次侯秉衡韻

人自高寒地自幽，縱當長夏亦如秋。
故紆竹下新開徑，重整花間舊築樓。
風捲簾旌通乳燕，雨催詩句亂鳴鳩。
紅橋淶水城西路，應許登臨老比邱。
初夏集許朔方乳桐軒得肥字

出山筇笠帶朝暉舊識城南玄度扉交得五君寧
恨少會輪一月尚嫌稀風歸紫棟花全歇雨過青
桐葉漸肥却喜瘦肩拋重負衲衣初卸著生衣

集露潛先生話山堂分韻

草堂幽勝似山家山憶湖邊話轉賒嫩白玉烹園
竹笋爛紅雨溼石榴花老僧趁韻吟偏苦醉客分
題字半斜最是主人饒逸興自盛梅水自煎茶

贈中允大師

大師乘夙願游戲寄塵寰蓮漏隨時課松扉盡日
閑道場承雪祖法脉接夫山說偈花飛雨談經石

化頑襟懷同月皎身事並鷗閑世界風幡外行持
貝葉間機靈看活潑夢冷聽潺湲定久諸緣斷吟
多兩鬢斑舊珠衣早得新疏手重刪洗鉢青猿度
聞鐘白鶴還灌莎周曲徑栽柳漾清灣丈室慈雲
護寬籬澗水環良辰爭拜手我亦許躋攀

穀雨日集山庵得春字

昔年同是考詩人禪會重圖杖履新山未入深偏
靜遠交因耐久自清真樹頭綠潤三更雨籬脚紅
苗半月春取次筭來僧臘少已看雙鬢白如銀
朔方病起治蔬乳桐軒小集分韻

聯袂朝來過乳桐起居遠問淨名翁開尊隣過墻
頭酒清供僧分雨後菘秋老東籬花半紫霜遲南
燭子初紅今朝喜是身羸健促坐山齋一笑同

洪秋田廣文見訪次韻

門封苔一徑有客款林間文富官偏冷韻高僧共
閑寒楓經雨脫病菊過秋斑坐覺松陰轉留詩別
晚山

雪夜次靜川韻

雲盞孤懷鬱可舒霏霏又見上燈初亂飄竹榻驚
禪定偷入松窓暝梵書一抹塵消登徧淨十分寒

重想清虛山僧自得尋梅意斷不騎驢更覓驢

西齋小葺初成西澗僉憲見過贈詩次韻

緇廬不厭如蝸小喜是軒窓兩面開種竹葉露新
雨露移松根帶舊莓苔偏多白髮携筇過儘放青
山入座來點檢階除忙未了幽花野草按時栽
托跡山阿與水隈柴門雖設亦慵開破閑散步循
花徑隨意安禪就石苔樹密喜無炎氣入庭空坐
得月光來無多蘭菊饒生致不向鄰翁借地栽

周甸威秉鐸山陽招集謙受堂話別分韻

宦游路指射陽城我整緇衣也送行千里淮河紆

客權一囊書券伴郵程巴山夜雨何年話琴水秋
風此日晴莫悵瓊寒官劇冷枚家父子是門生

結交行贈龔羽塔

青山高峩峩止水清悠悠孤雲與野鶴就我成交
游我將身心久相寄坐卧其間得仁智一把黃茅
蓋我頭四圍白石供我飼此生起滅如幻泡百年
一瞬何叟叟軒然君歛來伴我山水均雲與鶴睽
深交

題西京策笠騎牛圖

馬蹄車轍歷巉岳一抹谿塘自隔凡世路嶮巖牛

背穩綠簑試與較青衫

次韻題丁維翰進士牧牛圖

京雒曾游上苑春牧牛人是鳳池人閑拋束勒工
夫細踏破虛空世界新萬里碧天懸片月一溪流
水淨纖塵綠楊影裡乾坤大堪笑無端扣角頻

晚晴偕以寧登辛峯

辛峰携屐上挈伴趁晴光遊興鼓寒食請情付夕
陽雲山醒客眼泉澗冷人腸剗入春和候東風引
步長

新秋次吳嘉樹韻

小雨空庭歇秋生薜荔牆緒風留竹吹新水
煎茶香月色迎涼淨蛩聲入漏長最憐燈火
意凝碧對匡牀

賦得遣興莫詩

借得詩排遣騷人興若何玩從花細味對酒漫狂
歌賦物推敲久書情感慨多窓中搖膝坐澤畔曳
筇哦勝友同酬倡精言自琢磨冷懷閑日月壯思
舊山河韻事無逾此吟來兩鬢皤

郊行見蟹

通身骨向外頭生郭索微聞艸際聲為報緯蕭層

次設幾多餘地恣橫行

喜吟社諸子過訪

寂寂禪關掩素秋桂叢香共宿雲留冷吟各領蕭
辰趣情話同消舊雨愁連樹薄陰移榻畔澗泉清
響落山頭門前便是登高路黃菊丹楓取次遊

題王澹菴半硯居

傳來半硯土花侵知久沈埋出自今曾是琢磨含
玉體那能剝蝕補天心瓦遺最惜文鴛柝池廢猶
餘泮水深殘缺且教畱太朴紫方館好伴清吟

學徒果唯旦韶恭校

息影齋詩鈔卷中

五十自紀一百韵

虞山 釋律然 素風

檢點山中臘排頭五十時觀河顏已皺望道見多
疑往事渾成錯餘生益自危大家同旅泊零劫等
僧祇儵忽風過耳飄蕭雪點鬚我生單注苦天意
漫容私孩即嚴慈背髡纔髭髻垂熊丸姊當母象
教叔兼師九食三旬度十年一衲披藥爐微火宿
齏瓮散鹽滋盥漱虛朝汲鑿鐺斬午炊窮途愁擲
蠲弱植怕枯萎眷屬同漚沫弟兄各路岐孤寒根

乃賦虛耗曜相隨珞琰難逃笑顛連強自持人情
雲似薄世味藥還飴敢說增毛羽從教索垢疵鋒
稜縱磨折堅白弗磷緇任重吾何有投艱某在斯
泝雖延梵壽志恐惰荒陲蒼莽無歸宿因循靡了
期竈觚邊悵望戶限上棲遲閃隙駒堪惜填邱貉
更悲撫躬誠負負勵志肯卑卑寶逐形山秘權攬
造物司東西駟碍石朱紫拒加絲時主三峯席人
推五葉耆秉衷皈窅照進具奉毘尼業固儲于慧
功先戒以欺提撕維兀兀省察自孜孜質奈顛愚
痼息沾棒喝施學防渝頃刻勤敢間毫釐頓漸看

平等淺深問阿誰團蒲欣日坐障箔厭風麾豁爾
弩穿縞凜然飈透締安希微具體可許別承支聲
就筐籠貯氣從網罟吹身都忘色相念且絕思維
砥礪圖成鏡精研愧得皮神寧容易覓物亦迥難
窺腹滿盛枯水量慳測海蠡機輪紛掣電法戰奪
降旗嗣祖慙靈谷滄源辱淨慈焦芽甦雨露頑鐵
化鉗錘樗櫟毋求採蟾蜍勿受羈寰區囚處跡局
室坐中馳點墨呈千界懸程越九達芒屨寸步促
木榻六時怡雲影終須著萍踪約所之蝸蠕俱證
果賢聖摠元規塵擬探經剖香煙結願齋南行抵

雞足西去陟蛾眉
肱魄映鈎彩架
紫閣玉儀健方
周井絡病遂謝
昆彌歷歷更滄
熱惶惶避嶮巖
薰拋夢境枯渡
倦天涯賓鴈懷
遙塞馴鷗返故
陂漫云量幾笏
老可卓餘錐門
傍言游墓林梢
虞仲祠蕉欣添
積廕松解轉喬
枝環幸危墻立
撐憐敗屋欹
芟榛寬闢徑
剪棘短栽籬
華座翳通晦
輪光蝕少虧
續燈明麝燈
整卷護羅帷
逕客招盃
鶴楮牀放伏
龜比鄰苗
大樹先業
剎剎碑襍
卉萌頽砌
芳畦擴古基
疆紆烏目
嶺茆縛影
娥潛窅歷
懸衢巷煩囂
迸履綦本
踈諧客調
况拙扣門
辭燎火爭

趨衆層冰獨卧
宜剎竿標闢
諍金地慨荒
夷蝸角騰蠻
觸蹄泔辨
美媼睢盱
森魍魎伎
倆逞狐狸
轉喜諸緣淺
頻虞弘擔
衰襟懷耽
澹漠骨相
稱清羸性稟
煙霞癖形
淪草木姿
慣叨分衛
供恥乞住
山賞挺峙
除依附真
空泯怨咨
捫霄排翠
嶂濯澗響
澄漪陷壁
泥茶鼎埋
盆淨硯池
瘦將梅與
匹俗賴竹
為醫晷報
蓮花漏芬
團栢葉胎
方袍裁薜
荔小食熟
蹲鴟嬾極
全形傲頑
多直似癡
魚龍混
聚彼牛馬
任呼伊
卞璞嚴彫
琢衣珠
默贈遺
庶幾遵
往者約畧
詔來茲不
語傳詮諦
無工拭涕
洩眇生雙

目暈神耗兩肩疲篋出地難過翚飛雀漫追海桑
曾屢變川嶽也頻移至竟嘗殘蠟依稀怖疊棋素
交星落落新鬼塚纍纍颯沓秋偏感侵尋老不知
自嗟旋自慰堪駭復堪嗤寒餓殊甘分安存翻訝
竒蒼旻均覆育景運際雍熙置閏年逢丑開春月
建寅諄言仍夙習百韵趁吟詩

西京舟行遺失詩卷

吟壇好句人傳遍卷帙今遺江上舟雲水一方同
縹緲沙禽幾點與沈浮何妨白日溫殘夢無復青
燈伴小樓重訪綠蘋紅蓼路滿槽新漲去悠悠

哭孫麗明先生

城南耆碩推孫康平生砥行如圭璋長身五立志
力强無分寒暑勤丹黃年方弱冠工文章一時膠
序僊雲驥提三寸管勅莫當名父雪屋相頡頏夙
承先志譽望彰力以儉德型家邦奉身之具一布
囊薄俗哆口嗤迂狂敝屣名利脫鏢韉一邱一壑
甘埋藏三間老屋深篔簹中有八尺曲盃牀坐擁
書城百雉墻肆力辭藻追三唐朝吟暮吟莫或遑
就中五言尤擅場敲金戛玉聲鏗鏘遠追雒社睽
冠裳筆歌墨舞爭低昂暮年學佛歸空王前身疑

是居士龐一口吸盡江潢洋再來惟一點靈光味
于禪悅何清爽伽陀祇夜短與長作偈過我同叅
詳彼此照見氷雪腸交以澹成二十霜餅儲升斗
讀書糧每分餘粒齋厨香人生儵忽如電芒昨朝
把袂今云亡了無疾病侵膏肓頽齡隨順歸西方
先生孑立寡鴈行尤悲嗣續慳中郎從孫髻斷延
蒸嘗今日重過竹逸堂滿庭落葉何淒涼三徑松
竹歛魷荒蕭蕭颯颯鳴風篁叢殘著述堆兩廂五
丁未來誰取將天台賦就紙一張蘇門欵響隨風
颺我因想像神軒翔清風入戶月滿梁馨歛落我

几研旁寢門咽淚盈兩眶歎笑不哭情難忘拈筇
獨倚吟虛廊詩成仰首問彼蒼波蒼無語空茫茫

枕上吟

余去冬長至後病疽極痛楚越半月乃潰
逮上元始離床席伏枕兩月度日如年衝
口成吟都無詮次癸卯陬月廿有一日并
識

茅菴荒落北山阿設有柴關少客過誰似閑雲解
歸宿長依禪榻病頭陀
倦榻支離擬雪天一燈寒逼影淒然冥心求夢難

成夢數盡更籌夜似年

安心兩字乞醫靈服食無辜鉢與餅藜屑黃金羨

糝玉自然功用抵參苓

客多勸余服參

雙扉深掩白雲隈問疾人敲始一開多愧死生關

切者犯寒幾度雪中來

露滑先生亟來問疾

蜂窠逃死一頭陀無食無衣莫問他瘦骨枯顏猶

似昔新霜飛入鬢毛多

不相關處似相期昨夜寒梅入夢思一語東皇憑

聽取花開肯到病痊時

夢中山衲忽相迎笑引孤筇入化城分付雲封方

廣席種松人已卜來生

臘月六日夢山行一僧相引到巨刹曰此密祖道場也須君繼席余

衰回良久自傷衰病何能主此遂含淚誦末句寤後淚猶涔涔下

月澹風微夜氣澄到窻寒鼓自騰騰佛無言語僧

無睡共守琉璃一點燈

剝染流年積漸深入魔入佛拈無心淒清還起閑

中障風雨寒窓泥苦吟

節屆元宵體乍輕擁衾試起坐深更牕前如舊團

藥月病後看來較有情

分與春風斷夙期不圖病起費尋思扶筇步繞籬

頭徧為報梅花雪月知

病起傳真入素屏教携筆研伴鈴蟬料應神已消
磨盡贈谷空煩影與形

哭露潛先生

浮生共此一大宇浮雲栖泊浮萍聚百年歲月付
刹那掉臂各自歸黃土連觀縱是學蒙莊未免情
牽尚縷縷而况先生去不還風月騷壇孰為主先
生門第世簪組安貧樂道居環堵醞釀胸中萬卷
書化作烟雲自吞吐宮詞百篇炙菽林其餘未易
更僕數先生落落寡交游過我一見融水乳自非
宿有大因緣肯與緇流結儔伍花間刻韻每共吟

雲外尋幽輒接武追隨杖履廿載賒脫畧形骸釋

拘苦今年九月來山菴畫卷親携步踽踽示余訪

湖橋烟雨圖

茶煙禪榻重流連瞠目斜陽逗廊廡別來

甫及旬維時日過午余抱微疴枕石眠忽聽冬冬

叩蓬戶啓闥驚見文孫來報道先生歸紫府吁嗟

相見無幾時却教一別成千古屈指三載中歿者

人有五蔣星吳靜孫麗許翔去聯翩先生今又謝

塵咎蓮社盟心復幾人天不慙遺恣奪取席溪惆

悵獨歸來空向遺編緬芳矩憶昔聯床共搜句竒

思菊鬱神軒舞傾瀉不竭倒峽泉機警捷發離弦

弩龕燈明滅夜向闌老手偏能助旗鼓悠悠往事
等雪鴻梁月依然照庭樹重到先生讀書處蒼涼
滿目酸腸肚須知不獨為君哀我亦頭顱白如許
二牙動搖欲脫落兩目昏花類盲瞽自今早衰人
不久同泉路撫茲廿四桐所居者二吮筆撫哀緒
遂令世外一閑人感昔傷今淚如雨

蔡孝廉方山枉過荒菴留連旬日瀕行贈詩

次韵奉酬

大地等浮漚千載一朝夕幻軀何所寄片席聊偃
息結茅依山陞四圍不遮壁放眼莫我碍意行莫

我逆落葉當蒲團伴侶皆竹石如此年復年冥心
絕勞役高賢忽見尋荒徑恍開關深譚叢至論陳
因盡洗滌余非放鶴翁君故尋詩客邂逅樂盤桓
杖屨共予別去何草州轉瞬成今昔君才歷坂
驥合就黃金勒余每類樗櫟朽根埋礧峪分手淚
泫泫曉風漾丹荔

送韞白和尚主三峯

吾師覺苑傑盛德實難陳戒行曾無匹禪功迥絕
倫南屏獨繼武靈谷早傳薪學與鐔津並聞應慶
喜鄰捷機爭掣電彩筆奪芳春豈祇超時輩誠堪

軼古人智悲興利濟樹立見經綸入室惟龍象分
燈搃鳳麟清懷澄水觀高節凜霜筠弘教心逾切
扶宗志益真浮杯當淑景飛錫正良辰香靄彌幢
蓋天花點拂中山桃紅乍放池柳綠初勻得句梅
連屋安禪月半輪宗風疇已振世業自茲伸大樹
重添廕千花復見新前賢憑纘緒後學荷陶甄道
化來江左宗風到海濱法雷醒幻夢甘露潤窮鱗
追滄兩家系惟存二老身瞻依原有素會晤苦無
因何幸芳徽近能令雅誼親於今劉識面在昔久
交神叨愛為兄弟相於忘主賓我形慙齷齪師望
仰峻响諄誨應無倦過從可許頻經窻容但膝法
味頽濡唇却歎衰殘逼何由步後塵

九日陳見復先生見訪次韻

別久休嫌握手遲竭來今日趁良時支筇並坐三
生石覓句欣逢一字師霜糝曉楓酣舊葉雨淹病
菊卧空枝郊原州樹嗟蕭瑟偏與詩人興味宜

丙午除夕

彈指流光歲又終孤雲仍戀此山中
擬往白雀寺度歲雨阻不
果梅傳春信吐微白燈了殘經剩點紅未肯銷鎔
惟鬢雪酷難防禦是頭風明年五十還加六不改

癡歎老禿翁

湖田感興次韻

小樓新築水雲隈
眼底風光十里開
夜月未高携酒待
寒梅遲笑倩詩催
墻連小圃頻穿筍
石近清池易染苔
記得去年秋半候
扁舟相訪過湖來
是非應不到深村
占盡幽閑數畝園
幾局殘棋消白晝
數函蠹卷坐黃昏
山當小閣青涵榻
水漫平橋綠到門
多少漁郎拏艇子
誰於此地覓仙源

次韻王東淑新葺書齋

數椽重葺小樓西
冲澹襟懷足穩栖
試茗泉分幽澗水
移松根帶遠山泥
一闌花影穿疎幌
半夜書聲接曉鷄
何日扁舟還過訪
綠陰深處共分題

白雀漫興再用前韻

白渡橋東小市西
經年無客到幽棲
過墻亂篠平穿牖
卧草殘碑半沒泥
茅屋香縈消積雨
石牀夢冷斷鄰鷄
六時禪罷無餘事
儘放閑情續舊題

口占與西澗僉憲

汀南巷北往來頻
臭味何如支許親
相對莫教分主客
何人不是客中身

答西京用東坡贈段屯田韻

一別歲將殘臘月，到過半宵江。與虞山迢隔，每增
歎。白日病裏消寒，山靜中玩萬念，早已空閑。身任
蕭散，多君情獨摯，愛結烟霞伴。澹古形骸外，廿年
如一旦。新詩忽見投墨香，浮几案。塵盆恚指除幽
芬，自歷亂。譬彼瑠樹枝，清潤初經盥。而我見獵心
倚和寧，敢緩儒墨區。兩途理道原，一貫文陣羨。君
豪禪縛，咲余悞風高。有修翻灰冷，無熾炭何當賦。
歸來聯床卧空館，句詠梅花寒。茶煮栢烟暎，側聽
春鳥鳴登山共長祭。

白雀寺書懷再用蘇韻

古寺界村凹，劫火燎其半。壞墻環廢圃，過客生長
歎。門徑失舊觀，烟霞尚堪玩。沿溪結數椽，老復容
樗散。坐卧有蒲團，昕夕成老伴。雲影隔塵囂，鐘聲
報昏旦。休煩豎刹竿，不用話公案。苦行學頭陀，髮
任鬢髮亂。煨芋充午飢，汲水供晨盥。滋味淡中長，
流光閑處緩。煩惱盡捐除，物我一以貫。衰遲聊寄
此，或足激頽悞。祖師心印心，雪點紅爐炭。世界是
婆城，吾生寄旅館。詩成茗正熟，香燼灰猶暎。驀見
日沈西，投筆發一祭。

題藥山老宿道影

虞山頂上拂水巖前白雲一塢老屋三間有大導師於此息肩得雲棲法叅靈鷲禪霹靂為舌冰雪為顏一塵不起淨業惟堅依折脚鐺近古稀年坐斷千差力透重關珠輪百八顆顆皆圓為古藥山為今藥山是一是二圖中儼然

留別白雀寺

白雀遺基繞碧潭荒畦十畝足幽耽養疴暫借毘耶室息影聊依彌勒龕石榻寒苗雲共卧夜禪枯與月同叅縱教人境都忘盡話到移茅也不堪擬將瓶鉢托餘生誰料芒鞋又欲行人到年衰偏

易感地經住久豈忘情半窓佛火紫殘夢數點沙鷗負夙盟敢道閑心無罣礙去來如葉一舟輕偶向西林寄一瓢萍蹤遮莫被人嘲殘棋未易翻新局楚鶴何須戀舊巢梅下清溪神獨往松間明月夢難拋來朝準擬還山去點檢三衣便打包買得扁舟趁晚潮布帆風送響蕭蕭自携藤杖伴孤影獨載鐘聲出小橋虛索篋成詩一卷飢腸辨有箴三條從今高卧空山裏回首煙雲鏢竹寮
素一源寫余跏趺小影十數年矣儵屆六旬鬚髮加蒼都無精進率題長句一首

半龕趺坐影娥濱。搃屬寰中一聚塵。殘夢既醒休
入夢。子身未了更分身。心同廢井渾忘我。眼著空
花肯認真。雪壓頭顱年六十。依然原是舊時人。

送友北上

迢遞山城隔一重。朝來話別遠過從。交情儘許平
時澹。離思其如此。日濃野店冷吟寒。食雨荒菴殘
夢上方鐘。鷓鴣偏遐舉。鷓鴣偏息。何日重逢話舊蹤。

過萬松庵訪藥山大師用壁間馮簡緣南巖

坐月詩韻

廿年前識最高松。如蓋濃陰一望中。今日重來風

下立寒濤依舊瀉晴空。

別來無恙只青松。歲月全消夢幻中。相見莫教傷
往事。雪泥鴻爪本來空。

四圍修竹一林松。門掩寒厓冷翠中。半榻閑雲同
坐臥。室空原不及心空。

品格渾如嶺上松。纖塵不染聳雲中。世人莫漫嫌
師傲。看盡青山眼自空。

山窓種竹一叢商。巖韓孝廉來乞數竿并系

以詩

露葉烟梢手自分。畧同好友忽離羣。澹交世外尋

息景齋詩集 三
知已若說無心只此君
何必山村與水鄉
數竿便占北窓涼
却慙瘠土無龍種也
引疎風到草堂

分付山童珍重栽
曲闌竿外粉牆隈
曉來玉露宵來月
早晚平安報一回

計日清陰滿戶遮
西檐月落夢初醒
秋風戛玉幽窓下
莫道詩人不耐聽

尔我幽情寄竹叢
只緣臭味恰相同
骨如居士三分瘦
心與山僧一樣空

分我山中幾莖竹
添君牕外半遮陰
道人無事偏

多事又費朝來擁鼻吟

夏日過萬松菴次借山和尚韻

巔岼撫竒石
聳兀仰高松
夜雨瀉千澗
曉雲開一峯
叩門尋舊侶
入座愧衰容
話久忘歸去
支筇步夕春

萬松環老屋
蒼翠滿幽栖
帶雨滴階濕
團雲壓戶低
猿聲劍門北
帆影尚湖西
觸目成詩料
憑教過客題

悼鶴次蔣廸甫大史韻

病久胎禽剩瘦形
朝來羽化竟冥冥
孤情望斷林

息景齋詩集
間影淚筆書殘石上銘苔徑忽空新印跡松巢忍
見舊遺翎高人雅伴從離索哀怨還如失一丁
多年池上寄癯形一夕驚聞返紫冥生遇香山貽
有句瘞無真逸乞誰銘雲寒歎斷青田夢月上疑
翻白雪翎遼海沉沉消息杳人間空說令威丁

貫一孫繼席祖山作詩示勉用常建詠三峯

韻

住山良不易立身等孤松竦出羣木表冰雪歷幾
重清涼祖席大藉尔承前蹤規矩緬古德捷推辨
蛇龍賢愚千餘指平等心包容利生為事業時時

鏤諸胸精進日以勤靈山許追從庶令諸方仰不
愧坐此峯莫學老凍儂墻根作酸蛩祗辦守清靜
龕燈伴魚鐘

六十雜感

有引

茵草遺生忽臻六十追思曩事都屬前塵
有觸於懷輒書二韻得二十章

記得齟年出網塵幾番磨折幾回循住山只有三
條篔簹容易今朝到六旬
風雨飄蕭舊草廬一團蒲外付空虛龕無佛火窓
無紙猶勝前人樹下居

壯年已苦病支離今到年衰又倍之身半不仁心
半死人間視息幾多時
鏡中每訝凋雙鬢食次還嫌脫左車羸得看山餘
老眼近來又苦隔重紗
自愧生來一鈍根當年也得托師門空依折脚鐺
邊老辜負清涼法乳恩

公案同叅四弟兄淵源靈谷許分燈於今屈指誰
還在後死惟餘一病僧
先師三峯雪老人初居靈谷寺
余占佛慧元慧禱菴同出門下
草鞋數載遠尋師歷徧東西路嶮巇曾記一包兼
一笠亂山風雪獨行時

頻年學道坐煙林多半光陰耗苦吟從此急須焚
筆硯不將詩思障禪心
畫蚓塗鴉遊戲耳每因閑事累閒身而今為謝中
書老客寄桃牋莫再頻

吟社追隨憶往年半拈文字半談禪七閒取次傷
朝露一度披圖一惘然
壬午癸未間師璜巖先生招
余入七閑社有南亭七閑圖
元戎翰墨寄南天珍重歲來二十年星隕台階吾
亦老白頭揮淚對瑤篇
四十賤辰制府兩亭蔣公
郵詩枉祝兼分清俸
夕歲辰年值運垂疽瘍風雨疊為灾殘軀惡刻頻
頻度容得空山老不材
癸卯患毒幾斃甲辰天風
拔樹壓屋傷四人余幸免

竹逸乳桐相繼逝離離宿草十經秋往來惟有松

間月依舊清光照白頭老友孫麗明許翔方泊十五松老人相次徂謝而十五後賢敦世好如故

從游昔日兩三人垂白何堪幾處分落落乾坤更

誰伴好將踪跡托孤雲貫一繼席三峯備我住靜石梅

山中住久性癡頑幾處相招嬾出山不是逃名甘

息影怕將鴻爪落塵寰

彈指光陰劇可憐工夫依舊是磨磚猛思脚下前

途遠疲馬還須痛著鞭

瘦雨踈風暗石城中秋景物絕淒清天公可是私

於我恰到生朝著意晴

那復稱觴效世間漫勞詞客款柴關僧家何物為

清供一片閑雲半角山

昔年自紀詩成後辱和篇章溢錦囊誰道十年身

尚健又拋燕石換圭璋

枯禪擬逐詩魔去不放胸中著點埃至竟蒲團無

定力却緣生日戒重開

題丁有嘉小照

孔釋抱送徐卿維秋水為神玉雪膚記得當年為

摩頂轉瞬已成偉丈夫讀書恥作章句士涼厥家

學追南湖沈詩任筆才並擅良質美手與俗殊書

生餘事作點染裁紅暈碧供嬉娛儘有閑情任跌宕那容塵慮相縈紆乃翁肘挽銅虎符種德自大于公問公子幽懷偏澹定不愛翩翩裘馬都誰裂鵝谿三尺絹濡筆為尔成此圖柳絲縑烟桃噴雨無邊春色簇坐隅借眼景物足吟賞合有妙句攀韓蘇

壬子元旦

春回屈指尚經旬已覺年光入早春簾透曉風餘冷澹梅含宿雨倍精神半龕猶剩殘宵火大地都成隔歲人從此光陰須寶惜白頭况是病中身

送西京北上

雙扉閉青苔兼旬斷行跡惟君時枉駕荒徑接三益袖出留別詩思清韵險仄云將有遠行去作金臺客才名從此振何事徒懷壁天馬騁長鳴秋鷹期振翻雲路好培風待看六月息祇悵別緒縈蒼茫雲樹隔煩君頻寄書慰我心如怒

贈西澗僉憲四用蘇韵

勲業在西臺雄才未展半冰心鐵作肝聖主動容歎諫艸落人間遠迹爭味玩忽耽山水癖抽身向閑散跌宕詩酒場客與琴書伴廿年結吟社英

才仰月旦拈韵爭逞辭點竄頻據案須臾勁軍出
旗轍各靡亂然也世外人亦荷醴泉盥矢音戒嘈
噴俾臻暉以緩竊喜遇韓李祗慚遜齊貫仰窺騷
壇幟老将氣未悞鉛力劇鎔鑄不怯洪爐炭榴火
遶長筵桐陰覆清館齊賡介壽章淋漓墨花映定
瞻南極星遥映紫霞祭

九日西澗僉憲同秉衡亦韓此遊東淑東巖
揆遊過荒菴茶話即事賦詩次韵

大臺依然却杖扶朝來挈伴過山隅高擎霽色瞻
雙堦遠漾秋光眺兩湖出岫閑雲黏破衲打窻殘

葉擁圓蒲憑將茗飲酬佳節得繼龍山勝事無

題青門邵山人遺照

出塵標格自亭亭不獨詩清骨亦清知是凝神閑
覓句展圖依約有吟聲

長顛落落白於銀猶記樵菴聚首辰十載圖中重
覲面憐余也作白頭人

斷炊口占

撥盡爐灰不復然飢腸偏仄也堪憐冷看檻外如
絲雨只算今朝是禁烟
露葵折得當清齋灶冷厨空甑積埃檐雀不知炊

斷久生臺覓粒去還來

貫一總席三峯已閱三年余時往來山中目擊艱苦感而賦此

漢祖開山選佛場支撐賴尔歷三霜嵐埋經席昏龕火雪折巖松壓竹床香積斷煙僧寂寞石田無雨稻枯黃去年大浸今年旱辛苦何堪此備嘗

癸丑除夕

匿影空山病廢人浪過六十二迴春生成僻性寧嫌冷遇慣飢年不患貧未了一身迷短夢已空諸有等微塵半龕佛火尋常事偏到今宵分外親

題素一源遺照

世間榮辱不相關撐個扁舟泊柳灣
筇笠蓋頭楮在手煙波占斷十分閑

落落晨星朋舊少三年不見此顏翁
漫從幻影尋言笑君在圖中我夢中

同白村過三峯禪寺次韻

病骨支離白髮稠今年老倍去年秋
眼昏怕看殘碑字足倦猶登古寺樓
蕉鹿有無塵裡夢雲山出沒海中漚
多情獨有松間月不改清光照嶺頭
每到春秋一度來三生緣結妙高臺
桂經宿雨香

猶在菊染輕霜藥半開夜榻吟分蓮座火寒寮暝
撥芋鑪灰共君再過經行處黃葉紛飛掩綠苔

汪名宗五十生辰次韻

雅情自與世情違塔影潭邊靜掩扉豈有過歎思
寡過了無非處凜知非籬東酌酒菊初放舍北携
鋤菜正肥除却乞書并問字座間俗士到來稀
屈指心期二十年世間出世兩茫然都緣病久成
吾嬾却為才多覺汝賢紅葉秋山隨短杖青燈夜
雨共殘編相於到老身長健囊底何妨沒一錢

乙卯元旦

山菴又聽打晨鐘催我拈香禮大雄向老年光祈
病少忍飢心事願年豐餅梅半吐凌寒白鑪火深
埋隔歲紅却笑枯株芳意少也隨群卉領春風

過南亭有感

南亭當日數過後茗飲清譚興最濃此日經行尋
舊識池邊楊柳檻前松

贈白村

石門先生孫被褐懷其實壯歲事遠游志不在温
飽歸來城東隅屏跡絕氣擾神靜春風和氣爽秋
月皎架頭數卷書矻矻恣幽討新詩翻水成不徒

滌丁卯得意落筆時
絪上煙雲繞前生
慧業深文章悟性道近
更愛談禪出語便奇
窅尋味首楞嚴暗室
旭日杲箋語簡而該
大義志了了學儒兼
學佛坡仙堪遠紹憶
昔始識君詩篇當紵
縞君時住城西乍見
便傾倒軒軒出鷄羣
矯矯風塵表坦率忘
形骸渾樸惡機巧閑
情臭味投雅不鄙寒
槁三日不相見靜思
心有慄分題互賡和
聯袂同登眺彈指歷
三紀轉瞬成二老君
今甲子周鬢白雙瞳
瞭長筵值清和日永
風光好青苔翻紅葉
綠樹轉黃鳥堆盤櫻
筍肥那羨如瓜棗長
歌紫芝曲笑彼

商山皓仙源在人世何事尋蓬島

宿三峰寂照堂再用常建韻

峯頭結名剎臺殿藏古松
盤擎挺奇質蒼翠鬱萬
重白雀巢其巔西飛杳
無蹤空山夜急雨依約
蟠虬龍摩挲開老眼瞻
禮為改容直將針砭骨
詎祇冰堆胸柳標擔煙霞
追逐何由從深澗不可
超裴回仰高峯激越發
長歎幽響亂砌蛩大哉
獅子吼聲徹人天鐘

答刁拱辰三用前韻

風流景純後餘韻傳萬
松下筆騁鋒鏑牙戟森
千

重唐碑與晉碣一一搜竒蹤渴驥鬪怒猊肯讓天
門龍閣字日填戶斗室愁莫容嗟余縛禪寂捧壁
開心胸亦擬步後塵支離未獲從書禪無二道造
詣須登峯得君共提唱相輔如駟蚤何由彭蠡石
清響分歌鐘

谷孫竹鄉五用前韻

興公志清遠韻協楚楚松詩筆銳以健力徹扎七
重跌宕肆談笑研北埋幽蹤不愛逐時趨池底潛
蛟龍發興山澤遊仄徑足可容遺我十韻詩嘉惠
開頑胸嗤彼榮利場橋褐分追從見韓詩外傳約辨雙

芒鞋穿雲尋亂峯山堂風候冷觸耳鳴秋蛩欲識
會心處一聲烟外鐘

早春名宋以余小照入郡至秋杪携歸辱周
君微心題贈長歌次韻報謝

平生落落寡良友面壁末由開咲口偶然畫作身
外身我我周旋偏耐久今春暉厓携出山淹留半
載不復還分形便有離合相造物豈獨於我慳出
山之時月建卯祗今滿眼秋光好一彈指頃歷三
時多恐西中頽亦老吳趨高士凌雲筆風情豪健
追元白不嫌醜劣辱題詩快語雄情見標格挑燈

長景齋詩集
三
諷詠忘夜眠驪珠從此藏衣積我雖學詩沙細流
忽驚滉漾涵清秋眼界開張胸次豁乘風欲作道
遙遊側聞高士亦愛靜我同暉厓合作三徑之羊
求敢以小詩參動定山塘十里平如鏡遙想清齋
發朗吟畫中之我能默聽咀味瑤華當療飢西檐
涼月照垣衣無言說處忘人我何用懸河辨是非

東庵克復二首

拋去東菴二十年往時庭宇尚依然
牕虛好倩閑雲補籬缺還分活竹編
剔蘚續題新得句移筒重引舊疏泉
劇嫌衰老偏多事廢却蒲團半日禪

桑間三宿早因依白首重來感夕暉
觸目山光仍是昔回頭人事已全非
梅迎舊主衝寒放雲認孤松向晚歸
從此杜門堅息影那容殘夢出巖扉

寄沈確士先生

翩翩計日挽徵車拋却青山山下廬
名姓儼通天帝座飢寒未上相公書
期君飛步三霄外紆我勞思七載餘
戊申春辱枉訪山菴焦尾溪邊明月夜有無
清夢落鐘魚

夢中作

寐坐巖扃下閑繡貝葉經風開雲脚碧
雨送佛頭

青

乙卯除夕

山中歲盡少塵氛，枯坐繩床到夕曛。
葭琯春回到，七日瓦盆梅放已三分。
閑挑野菜充清供，靜掃荒苔引白雲。
不道衰年餘結習，冷吟深夜擁爐熏。

西京自都門歸，携得天津蘿蔔植之盆中鮮。

赤可愛因賦

蘿蔔產吾鄉，紅者罕寓目。化工雨五色，渲染光煜煜。
外幕赤城霞，中含藍田玉。攷之本草疏，紅白實一族。
由來地氣殊，踰濟如鸚鵡。珍重遠携歸，磁盎

勤灌沃，既堪供賞玩。那忍充口腹，從來達士心。寄情閑草木，東坡菖蒲花。歌詠騰尺幅，君亦嗜好殊。佳句埒筍束，短章聊復陳。多愧同采菑。

西京同遊中峯題悟香樓壁次韻

危厓千仞峙，禪宮龍姆峰。邊曲澗東竹，放新梢。排徑綠花飛餘片，襯苔紅不嫌。留客無齊已。是日主人不在

且喜尋山有謝公，妙理悟來香撲鼻。底須通處更求通。

秋夜宿窳照堂，閱石門文字，禪有留題三峯。壁間之作戲次其韻。

風度竹林聞戛玉明滅龕燈如豆綠窻前老樹枝
半枯猶堪借與烏鴉宿蕭然一榻夜思清挑燈把
券依檐楹石門老人詩律細橫塘踈柳寒蟬鳴素
絲經染不復白禪叅文字非良策偏留題壁語驚
人詩思恍逢驢背客我亦生前結習深性耽聲韻
到于今長戕短簡力消耗婆娑雪鬢徒森森筠谿
蹤跡逐波去欲和狂歌無好句何如袖手倚南樓
仰看飛鴻度雲路

東淑新居用東坡遷居韻

小春未著霜晴暖風日麗蜂聲引蝶影殘菊餘香

細佳景入靜觀不覺流光逝緬懷柳南翁端居得
所憇一畝樂閑閑架搆良得計柴門俯鳳塘清遠
落階砌檻虛留白雲垣短露青髻蠖屈不求伸虵
蟄亦暫蛻平生耽野逸三徑縈薜荔幽偏聊避俗
寧曰遽忘世行藏愜其宜雅以道為際城市紛喧
虺毋乃逐蠅蚋

十月四日西澗以寧秋田亦韓西京東岩邀
同尋菊分韻

犖确山南一徑斜踈籬矮屋似陶家題糕已過重
陽節載酒還尋九月花豈為霜遲開較晚却緣秋

老色逾佳獨憐病眼昏蒙甚冷艷當前薄霧遮
尋菊未幾梅復生蓓蕾矣靜中諦審景物推
遷漫成小詩八用前韻

山窻欵深閉霜風吼高松病僧暗裡驚寒暑又一
重檢點小梅枝瘦影似孤蹤詩老杖屨違誰歎起
蟄龍攬茲蕭颯景念我摧頽容妄想屏已盡萬象
寧留胸感彼南征雁戛喉審去從轉頭春社來旋
想迴高峯斯理詢未俗語冰於夏蛩萬事有根本
索鑰憑黃鐘

學徒果唯旦豁恭校

息影齋詩鈔卷下

虞山 釋律然 素風

失硯行 有引

歲丁未製白硯一方溫潤可愛常置案頭
今秋九月誰何將去悵悒弥日既復笑一
硯之失而耿耿於中若是因作詩自解邀
政夫寶洲西京東淑和焉

丁未之秋重陽日故人遺我白硯石凝脂瑩潔潤
且堅一片寒光浮几席對之不覺老眼明早晚摩
挲頻洗滌急倩良工琢成硯滴露研朱伴禪寂荒

齋四壁無長物惟餘此硯等拱壁屈指相依十年
久一朝失去心難釋定教携取換青錢未必道途
空棄擲倘留市肆共傳觀佳品定逢高眼識轉虞
此硯失所遭垢膩塵埋掩光澤瘳心尚冀或重逢
負鼓求亡莽追迫旋嗤念念屬塵妄妄中之妄何
時息秦廷趙璧縱復還那禁再得不再失不見玉
璽與石鼓滄桑遷徙宵難測隍中之鹿塞翁馬世
事浮雲幻蒼白由来有合必有離得也奚欣失奚
戚我今賦此失硯行何異平地叢荆棘剪除快試
智慧劍戲劇聊驅煩惱賊從茲夢覺見真空點檢

衣珠存璧積

丁巳元旦

法屬凋殘冷戶庭朝來嗚咽不堪聽

是早米若去世前塵

已斷偏餘障噩夢頻牽那易醒

二十年七徒占徒孫共六人山

竭泉源厨索寞霜摧枝葉樹零丁還將往業今朝
懺一點龕燈隔夜青

哭冰若孫

憶爾垂髫入我門十年瓶鉢伴晨昏深宵覓句依
龕火侵曉擔柴踏雪村誰料清材年不永劇憐衰
病骨空存愛根漫詡拋除久破衲何因點淚痕

卷西京雨窓枉簡次韵

經旬檐溜響泔泔屏翳何時掃積陰佛火光中温
舊夢梅花香裡遞新吟夜牕未續三生話病榻先
安片刻心縱使來朝得晴霽相逢却恐已春深

吳門之行

小庭寒釀水淅淅屈指春光匝月陰過去修為皆
影事當前詩句半悲吟聽殘永夜瀟瀟雨滴碎衰
年寸寸心嬾散久拚人共棄多君結契意偏深

送韓北庭之黔中三用蘇韵

名山約有幾君覽將及半迺今又遠行徒貽居者

歎頻年數晨夕景光共流玩欵如萍逐絮屢聚亦

屢散松竹挺幽巖久作歲寒伴忍令野鶴孤引吭

暖清旦我聞牂牁道翠屏撐木案

木案山在普安清翠如屏障

岡巒既層疊楓林亦繚亂最多霧露氣洒面類湔

盥之子跨鞍去垂鞭歌緩緩驛壁題新詩衫袖霜

風貫竒宕輒驚人全失旋情悞我兼被蒙頭禦冷

藉薪炭秬教影與形相於戀山館梅梢椒漸破應

借小春暝願早郵瑤篇光奪雪花粲

題思齊法師見佛遺照

大覺老人孫素華法師後卓哉我思公實為余畏

友道貌古且竒風骨勁而瘦如蓮出汗泥不染五
濁垢願力最宏堅夙因劇深厚供佛五然指不異
斷臂肘乘戒兩俱急解行相應久時復吐半偈妙
蘊盡情剖曾讀淨土詩一百有八首須彌山作舌
香水海為口渾似毒鼓聲聞者脫枷杻接引火宅
衆奚啻佛垂手淨業既克闡祖印還能負閉關枯
木堂鑿空開戶牖坐斷千差路大雄顛倒走水上
行東山面南看北斗梵天建法幢作大獅子吼直
提向上機不肯落窠臼廣運無緣慈三根等攝受
西湖緇素侶傾心若慈母佛以一大事說法四十

九吾師應化年符合良非偶示寐在甲寅預刻於
癸丑時至托蓮胎皈命無量壽心存佛即在佛在
心不朽離佛別無心離心佛何有春殘余抱疴條
忽月建酉強起贅贊詞思澁語亦醜如糞着佛頭
如塵益大阜師在寐光中得邀破顏否

三峯雜詠

癖性分明冷似冰此身合著白雲層半龕佛火半
間屋一箇蒲團一病僧
竹樹濃陰覆艸堂此中無地著驕陽彎環更愛一
池水未到池邊心已涼

息影齋詩鈔
烟霞鑄就此枯容萬境空
定後鐘不道眼前無
長物隨身猶剩一枝筇
白髮垂肩七十翁
餘年更復幾秋風
羨他落葉辭高樹
猶帶霜華襯路紅

出山口占

松風蘿月舊相招
愛向林間挂一瓢
此去定教巖壑笑
道人還過虎溪橋
景物蕭森形影孤
穿雲度石倩筇扶
幾回佇立蒼茫裏
絕似秋山行腳圖
雨後嵐光潑眼青
芒鞋剗試覺身輕
多情誰似澗

中水一路泠泠伴我行
松風謾謾隔溪遙
小簇村家雜市囂
回首迷漫雲一塢
寺門依約在山腰
人隨落葉下疎林
去住偏驚衰老心
何處寂縈離別緒
半山殘照一蟬吟
蒼涼樵徑足音稀
雲出何心鳥倦飛
柳標一枝山十里
鐘聲遠送病僧歸
山菴久別景依然
重到還餘未了緣
苔徑石牀都好
在兩株梅覺瘦於前
壽最勝悟無和尚

青老禪中傑師尤著俊良仔肩承最勝的骨紹清
涼源溯濔沲遠流分鳥目長力耕棲隴畝繼志隱
江鄉小閣臨溪側精廬結市傍數弓苔蘚徑一帶
薜蘿墻冷僻歲修竹蕭閑對野塘落紅飄硯席空
翠滴衣裳恍若遊蓬島渾疑度石梁禪心涵夜月
戒體凜秋霜手握無文印聲馳選佛場法筵雷鼓
振講殿雨花香辨奪懸河勢機爭掣電光清規殊
肅穆初地轉輝煌公案嚴提唱宗風亟激揚昏衢
明慧炬熱海駕慈航慮淡情無迕心閑坐久忘蓮
花為世界貝葉是文章語帶烟霞氣人欽冰雪腸

臘高名愈重行密道弥彰性徹重磨鏡心堅百鍊
剛高寒梅品格清遠鶴行藏入室俱獅子傳衣總
象王逍遙閑歲月修短任彭殤七十神猶王生辰
春正陽桃鮮含淺絳柳軟着輕黃香霧縈珠網慈
雲護寶坊鳴禽雜鐘磬流水響笙簧盡說精神爽
遙知筋力強行安却藤杖興至挈奚囊問法多尊
宿映吟畫老蒼松食堪作供茗飲代稱觴憶昨清
和候相逢寐照堂咲言如舊識櫻笋共新嘗習習
風生座輝輝月轉廊乍聞拈偈頌多喜並琳瑯島
可應僵走聰殊敢頡頏山村歎睽隔形跡類參商

世臘雖同齒宗門屬末行祝延齊寶掌眼食壽而康

筠峙貽芭蕉二本賦謝

小山山脚短墻隈絕愛蕉陰覆碧苔珍重冷吟書
屋裡冷吟齋名綠苞未折遠分來

舊愛南窓綠竹叢陰陰障日護簾櫳而今衰老重
分植蕉鹿前塵一夢中

曉來剗展一重心已覺清陰衰素襟修竹不須嘲

障翳是身托喻本禪林

梁沈約有修竹彈甘蕉文

是身如芭蕉見維摩經

才看出土芽穿砌旋見抽心葉過墻藉尔得消炎

熱苦未秋先占十分涼

豈無嘉木蔭窓南却待抽青掩石龕揮灑慚非懷

素筆也應題作綠天菴

三竿舊植臨牕竹得尔清陰伴此君雨洒風搖聲

彷彿淒涼况味暗平分

壽茶圃六袞

誰補陔蘭繼廣微先生六十尚萊衣辛勤研席傳

經老迢遞關河負未歸興健詩題僧寺遍品高書

上相公稀

留鄂相國賓館四載以養母辭歸

生辰堅謝稱觴客方

外偏容款竹扉

息影齋詩鈔
七
庚申夏出山

半載三峯得滯留，又携筇杖出林邱。
露衣草露濃如雨，拂面松風冷似秋。
愛聽泉聲頻憇足，貪看山色數回頭。
多情巖壑休相笑，無着孤雲本自由。

辛酉春暮入三峯

山寺別來剉一載，舊經行處記依稀。
綠莎匝徑迷芒屨，晴瀑飛空濺衲衣。
覓食烏隨殘磬下，扶筇僧背夕陽歸。
數椽蘿屋堪容膝，從此安心老翠微。

自別白雀十有三年矣，辛酉八月重過漫成絕句

四年寄跡此香臺，一紀重来似夢回。
笑我前塵猶未斷，入門先問舊栽梅。
行徧松廊到竹亭，蕭疎不改舊青青。
一龕記得翻經處，門掩秋風葉滿庭。

衰年七十正平頭，筋力猶堪上小樓。
揭起疎簾聊縱目，黃雲千頃覆平疇。

散步斜陽出竹扃，秋光引我過溪塍。
隴頭野老私相語，訝是當年舊住僧。
冥烟漠漠雨初收，佇望蟾光數舉頭。
爐有清香盤有供，此間又度一中秋。

白雀寺秋夜獨坐

硯北花南幾寢興，舊遊蹤跡了無憑。
荒材鎮日清於水，病骨逢秋瘦過藤。
半夜冷吟黃葉雨，一燈孤伴白頭僧。
撥殘鑪火心灰盡，百感消沉氣不矜。

七十自述十首

鏡裏頭顱雪色同，衰殘已作七旬翁。
生辰月半還過二，令節秋分正值中。
砭骨涼深桐葉雨，沁心香冷桂花風。
款賓莫笑山厨儉，礪有清泉圃有菘。
石火光中夢幻身，敢緣薙染遽忘親。
憐余失怙到三歲，痛母辭塵未四旬。
疏就蘭盆思莫報，編成蒲履養無因。

前塵歷歷堪追溯，竚立西風暗愴神。

少小來皈不二門，情殷諸父又師恩。
多生矢願依慈蔭，十載勞心勵鈍根。

巢寄一枝須念本，飲分滴水務尋源。

刹那不覺成衰老，悲感交胸淚有痕。

九十中人荷見憐，同參者九十八人一燈寂照許分傳。

早承法乳涵濡力，敢忘慈顏記前年。

在昔師恩無日報，從今祖道幾時肩。

佝不盡傷心事泣，把伊蒲薦几筵。

七閑吟社記南亭，阮眼深慚向我青。
耐冷最能耐久忘，年不分并忘形。
詩緘舊篋傷遺墨，枕倚殘

更感曙星往昔追尋歷三紀獨留病衲守巖扃已

康辰間同簡緣白菴定中諸君
結七開吟社於嚴葆元南亭

自顧原非領衆才祗堪匿影老巖隈扶宗夙志空

餘在出世癡心久已灰萬事隨緣安我分一生無

用儘人咍師門卅載終何補慚愧清涼嗣法來

閑將往事覆思量十載腰包枉自忙幾逐孤雲秋

別寺慣邀寒月夜聯床深慚如舊居疑地難說翻

新到覺場老我禪關安鈍拙向人不敢話叅方

感舊懷今眇夕陽年當衰老易悲涼少時共業無

多在壯歲同叅大半亡菴北清池成小徑街南華

屋變平岡道人久已忘塵世對此滄桑亦自傷

金篋入夢未能邀一味朦朧任所遭久昧東西偏

稱懶絕無來往悞疑高登山已少看雲興伏几還

忘展卷勞那律冥心翻證道希風古德愧吾曹

落落孤情不趁時白雲影裏戢身宜閑分蕉葉書

新偈飢掃松花當午炊一榻清風尋舊夢半牕斜

日覆殘碁還啣宿習消難盡又賦生朝自述詩

德鄰師新居次見復先生韻

里許西城路精廬近易攀交聯新白社門對舊青

山琴罷香浮几詩成月到闌榻來情話久好逐暮

山琴罷香浮几詩成月到闌榻來情話久好逐暮

雲還

羨尔安禪地乘閑一陟攀杖扶黃葉路茶話夕陽
山終歲此耽靜諸緣了不關伊余愛岑寂相訪直
忘還

輓韓耕雲

支許交歡豈等閑雅游何處不追攀咏梅尚記分
春字煨芋曾同卧雪山已作卅年林下契忽看二
老鬚絲斑無端小別成千古縱極忘情泪亦潛
瓶鉢聊遊浙水湄菊花開候訂歸期訝教病衲還
山日正值先生易篲時頭白不堪傷故舊眼青誰

共作心知半生勾迹真如夢夢裏牽人哭別離
歲歲峰頭結淨因松龕佛火鎮相親嗜同文墨情
多洽交脫形骸意較真一榻長年孤似我九原今
日伴何人傷君偏在重陽候棖觸悲腸風雨頻
世外因依賴有君禪餘時得挹清芬聽殘秋夜聯
牀雨榻遍寒山斷澗雲偶別每嫌音問濶後期竟
歎死生分轉頭一一渾如昨曉起尋思到夕曛

初冬十日諸詩老枉過石經室看菊分韻

過時寒菊抱幽真重九蹉跎屈小春久雨不教淹
色相兼旬新霜翻覺露精神最宜山衲心情冷合

與詩人臭味親黃紫居然成供養西風籬落未全
貧

辛酉嘉平上澣送雪航開法安隱

在昔同余住於今送汝行梵書千卷重藤杖一枝
輕臘日欣逢暖陰天忽改晴雖睽四百里無過兩
三程放脚休辭遠傾心為道誠潛蛟鱗久滯野鶴
翅劉橫浙水方宏法祇林早擅名慧燈傳寂照祖
席繼安平系本滹沱遠源分鳥目清山寒凝冷寂
寺古費經營遠紹千年業端煩隻手撐提將沒字
印振廢舊家聲接待長無我柔和最近情如傷幪

大衆不二字羣嬰撫範遵先哲毘尼律後生主賓
須勘辨手眼要圓明古鏡勤磨刮頑金猛鍊烹迅
機看掣電毒鼓聽雷轟踈磬隨風遠寒鐘帶月鳴
香雲涵法座花雨潤山城事摠隨緣去心防逐序
更詎徒緇素仰直使象龍驚余埒憎寒螿君同出
谷鶯安塵雖久斷別緒尚多縈翔吹行將歇春風
取次迎隴梅椒破玉岸柳眼抽萌序醒千山睡律
回萬木榮戒衰休惘惘離思正盈盈祖送悲歡集
抒情慰勉并丁寧餘繾綣語盡意難傾

酉戌歲交限韻

息景齋詩集
三
一燈形影自相親檢曆俄驚過七旬山寺今宵到
餞臘江城昨日早迎春灰心久喜無塵夢老病翻
憎有幻身自咲顏唐緣庶事更闌猶作不眠人
元日休嫌雨滿城幽懷轉向此中生茶烹新水偏
多味門掩寒梅較有情聽盡溜聲心自冷吟殘爐
火思逾清泥途更喜無人到寄語東皇莫放晴

壬戌秋入三峯口占

十里三峰路孤舟半日程紅酣霜乍染翠滴雨初
晴身世久無味雲山空復情到來方薄暮童子咲
相迎

送茶圃之宛陵廣文任

卅載因依鶴與雲九臯鶴語已聲聞雲方抱附難
為別古詩白雲抱幽石鶴自高飛勢欲分紅葉無情爭送
客黃花有意獨留君黯然欵判岐亭袂雲鶴何時
更合羣

庶事離愁忽滿膺似麻如絮疊千層片帆遠送乘
風客一榻寒侵抱病僧何日更携山寺屐深宵重
剪竹窻燈丁寧勤寄相思句莫道吾衰和未能

次周天池題墨韻

高人本自出塵埃腕底孤花取次開一笏松烟三

尺絹忽驚硯北好春來

三峯漫興

山寺經年別衰齡意倍殷力從枯杖借榻向小樓
分夙願埋青嶂無心共白雲又成三宿戀何用嘆
離羣

天培為余寫照自繪執拂旁坐慙不敢當率
賦一篇以荅雅意

圖中兩閑人一儒而一釋各秉松竹性同抱烟霞
癖永結支許交金石情相埒往還餘十載耐久如
一日君本南湖後弓裘步先哲文戰功未收何心

較得失不羨騰青雲却來拈白拂學無學之學說
無說之說儒行與宗乘兩家並證徹嗟余老且病
鬢髮堆霜雪從不解縛禪并不知持律濫廁法門
中耄矣渺知識終日握輪珠但念彌陀佛謬荷繪
衰顏促坐碧山石撫卷並慚惶顧影滋踟躕四大
本來空如雲泥水月百年等逆旅誰主復誰客且
結幻中緣無言共晨夕

岷山自廬山來掛搭三峯十餘年矣今夏四
月往主白雀賦此以贈

不手峰前路依依省宿緣入山逾數臘主剎始今

年寶地千秋業寺為梁朝古刹珠林一邑傳言辭龍澗側

笑別虎溪邊遙想晨移錫旋看晚繫船新篁幽徑

裏古樹小樓前村鳩人雖少雲山境自偏昔賢都

息影老屋舊安禪余住此寺四年大法全身荷真風獨力

肩好興宗炳社合種遠公蓮精進心毋倦支撐願

要堅修持偕衆共作苦務身先塔壑沿溪圃蕪蕪

並舍田法雷看再震廢殿會重圓尔去誠安矣余

留倍悵然贈行無別物山偈率成篇

送旦豁歸最勝有序

旦公上座為取勝文孫性實樸淳資餘高

妙少年憇寂饒有林遠遺風素志清吟雅

負聰殊逸韵可謂傑出於苾芻自脫於埃

壘者矣始圓具于清涼繼學禪于精進服

勞左右扣擊朝昏誼切金蘭情深水乳六

年相聚感日月之易遷一夕分携歎會合

之難數率成卅韵聊寓離悰持用贈行兼

期策進云尔

憶從己未歲寐照始相於性僻冰霜冷神清山澤

癯襟期從此泱臭味實相符令節同龕火中宵守

藥爐壬戌除夜余卧病公來侍宿志堅甘寂寞慮淡茅榮枯法

息景齋詩集 卷下 三
已叅軋竺書偏愛魯儒苦吟忘夜寢勤讀廢朝餽
世界無心入煙霞獨自娛赤梢驚透網浩氣見吞
湖卓矣青翁裔雄我白足徒方期恒聚首詎料忽
分襦却數頻年叙無端六載逾鷗踪俄轉徙鶴影
益羈孤往事歸蕉夢流光付雪顱意闕留別語情
愴送行圖也識君同病應憐我更迂臨岐餘繾綣
欲去復踟躕袖重惟詩卷囊空只鉢盂人隨雲水
遠跡共歲寒俱襆被三峯路輕帆一幅蒲勝菴欣
反壁悟老喜懷珠濟水宗風峻莖藿道味腴嚴持
定慧力肯被網塵拘蔽體衣三事安心宅一區繙

經傍叢桂挂錫倚寒蘆於此隨緣去終當獲雨濡
應機全用拙韞積勿輕沽業既仔肩任幢須赤手
扶定開新面目克振舊規模祖德慈風布名藍甘
露敷輟忙勤禮誦少暇便踟躕毋似耽書蠹為憐
過隙駒但能存管帶到處是工夫何用多方覓本
末一字無性靈疏學圃活計守耕畬吟社仍支許
禪林類檠愚提撕思莫忘謂本寺方丈教誨德難辜謂竹
鄉先生佇望修名立伏教風義渝寒村梅破臘深雪
月逢涂倘得蓮公句緘封早慰吾

秋日過蓮社訪慧隆大師出示香開老人句

索和次韵 五首之二

室中初氣爽 野外已秋深
細水流荒港 輕雲度遠岑
菊添幽砌色 桐減半遮陰
香祖遺詩在 風前一朗吟

幻跡原無著 旋教動別情
遙天呈暮色 鄰院忽鐘聲
一水過橋去 孤筇繞岸行
莫嫌歸路晚 嶺上月初生

兼山先生七十即次舊贈原韵

投分閱三紀 彈指同信宿
愧非已公才 風義得鄭谷
宦情薄秋光 遂初愛巖麓
茅菴時枉駕 荒徑來

往熟白首歎如新 田湖髮始束
舊雨問古稀 半作風中燭
曩在作噩秋 清辭昇珠玉
至今韞什襲 相思輒披讀
清俸分千里 緘寄到山北
鄭重草堂資 俾我東庵復
初春介長筮 未及躬三祝
遙憐世外人 孤雲抱幽獨
衰拙吟思遲 下筆畏趨數
豈徒尚酌荅 還卜後會續
七旬公始滿 然又逾其六
庶保松柏姿 歲寒共遐福

德鄰師新闢山房疊前韵

新闢精藍好 時容病衲攀
潭幽通活水 屋小納全山
已徹三玄旨 猶參一字關
軒窓還淨掃 惟待白

雲還

五月望夜同柳南先生松林步月即次原韵
夏月如秋月欣逢此夕明雲開半嶺白影散萬松
清似入廣寒府疑臨不夜城相隨罄幽賞步履到
三更

題徐應春看奕圖

奪角衝關苦認真從傍剗見一番新笑他十九縱
橫路迷却人間多少人

破山和尚贈竹如意并繫以詩次韵奉酬

碧鮮玉潤絕瑕侵巧斲靈芝用意深出世尚存霜

後節向人仍抱歲寒心提携一瞬同懷璧砥礪千
迴過鍊金珍重題詩遺朽拙擬將擊鉢答清音
不着氣埃半點侵真如證徹道根深慣親上座揚
枝手每勘諸方尊者心辨老底須諄用錢辨才鉢
如意光
明洞徹皎公賦就贈逾金皎然賦得竹如
如水晶意送詳師赴講祇慙衰
菴慵揮塵何處提持索嗣音

頌君鈍伯寫蘭竹見貽賦此奉酬

禪有宗旨畫有派鈍伯於畫得三昧性嗜芳蘭兼
翠竹收拾毫端任揮洒定知悟入畫裡禪此中衣
鉢得真傳宋元名人原本在丹邱白石相後先昨

來貽我一小幅蕭疎娟秀同珥玉展看疑有清風
生粘向雲堂百回讀幾藁寂寥抱幽馨三竿矯矯
凌青雲想見晴窓作畫處風雨爭飛靜裏聞頻移
我身置九畹十畝瀟湘臨几案依依世外兩君子
來結枯禪晨夕伴一片烟霞眼界收自今斗室傲
林邱不愁老無濟勝具時時相對當卧遊君家本
是虎頭後驚心動魄神助肘點染信筆合古法縱
橫隨意空妙手圖中更具古人心看似乎易餘深
情蘭以表其同臭味竹以相訂歲寒盟裝池珍重
尺幅希雅意殷殷良在此為題詩句着佛頭一見

還應開咲齒

頂山寺澄觀師五十

古寺猶存說頂山吾師高隱翠微間身閑影伴雲
千頃性徹光涵月一灣丈室飛花凝法座六朝老
樹護禪關朝來五十逢初度海鶴清姿鬢未斑

白雀自火廢後僧徒寥落幾為樵牧場矣歲
已已通孫自傾鉢資建殿次築小樓三楹為
余休息地即於是夏復來掛錫荒烟蔓艸觸
目悲涼不勝今昔之感率意口號漫成四律
一時興會所至工拙不計也

垂老菴居又欲移，洵知行止絕難期。
亂山一杖隨雲遠，細雨孤舟到寺遲。
蒲供且分齋鉢飯，萍踪仍借鶴巢枝。
如何夙習消除盡，尚有殘編破硯隨。
十年村寺斷行踪，誰道衰齡又過從。
老衲乍歸翻似客，禪徒久住半為農。
空餘舊業一灣水，猶剩寒交百尺松。
多少前塵兼影事，盡情付與一聲鐘。
白雀名藍白渡間，廿年兩住此禪關。
忘機野鶴隨栖止，無著孤雲任往還。
影息始知皆淨土，境空何必在深山。
荒村更喜人難到，羸得身心一味閒。
豈為貪安懶仔肩，其如衰朽八旬年。
生成野性終

難改寒盡爐灰不復然，半卷殘經消淨業。
一龕明月伴枯禪，養閑架屋非吾事。
只合深栖了夙緣。余以短杖贈江君，按庭君有詩索和次韻奉

答

故交惟短杖，老去肯輕投。
行藥扶衰步，尋山伴白頭。
曳殘半嶺月，拄盡夕陽秋。
更入詩人手，新吟索我酬。

三峯雜咏

繭足經年不出林，閑房春草沒階深。
啜殘烏目半池水，坐斷青山一角陰。
病鶴久虛霄漢志，寒松空

抱雪霜心消磨白日無多事目送浮雲度碧岑
老去年光逼夕曛隨身筆硯試先焚祇憑淨業消
長晝詎有清詞繼碧雲早斷色空融別見兩忘喧
寂藉無聞尚嫌多病行持倦未卜工夫到幾分
幾經坎壈到桑榆剩箇殘軀百念枯說要說玄磚
作鏡是賓是主石為徒敢誇窮子珠還在偏愧香
巖雖也無清絕夜闌禪定後滿篇松影月同孤
堂開窄照萬松間默坐真心等閑闕歲月逐人空
白髮烟霞伴我老青山亦知幻境忙何益未審浮
生得幾閑一箇蒲團半龕火此心拚共石同頑

塵事從來百不關一椽茅屋綠蘿間梅如有意偏
含雪雲自無心亦憇山多病却宜野性嬾不才翻
喜世緣慳年來學個無為法贏得身安占得閑

書懷仍用松梅二字

何處棲禪寄隱踪半依村寺半孤峰烟霞鑄就粗
頑性寒餓陶成冰雪容抱石癡雲埋絕壑破巢病
鶴癡枯松此中若問誰為侶還往閑身付短筇
衰齡得度八旬來轉為癡騃與不才雪白漫勞爭
髮白爐灰寒不及心灰嘗多淡味無如水歷久貧
交祇有梅休說道人甘冷寂荒村也自喜春回

題唐水亭小照

科頭執卷坐頑石未識過來幾小劫與君一別已
三年畫裏相逢不說說

題畫梅

不着閻浮半點埃自甘冷淡雪中開知君月夜題
詩後應有香從帝上來

柳南詩老道照

身外浮雲不繫心胎仙為伴坐深林梧風竹韻芭
蕉雨并作秋聲入冷吟

歸菴口占

一椽冷傍影娥潭信足行來路自諳世界閻浮皆
旅寓漫言今日是歸菴

雪航葦和尚釣雪圖

凍雲漠漠雪漫漫一道清光透頂寒誰似阿師無
箇事扁舟占斷荻蘆灘

一簑一笠一漁舟雪浦烟汀任去留多少人間未
了事盡情收拾一絲頭

冷淡生涯付釣竿不辭雪霽與風餐直教貧到無
錐地一葉虛舟萬頃寬

雲蹤無住逐萍蹤送盡秋風又暮冬雪月混茫同

一色不知何處覓神龍

月作鈎弓水作鄉道人機用出尋常近來漁艇垂
綸者不數玄沙數雪航

擢入清波抵法幢華亭宗旨要承當撐烟載月寒
江上便是西來一葦航

佛法垂秋行道難孤篷只合老江干那知未了慈
悲債又上三峯整刹竿

未湏立雪覓心安放去收來一釣竿徧世界成純
白地人間莫作畫圖看

春三月蓮公招柳南先生偕余入山彼

此唱酬不幾日而新詩滿案矣山中之樂莫
過於此時公荷法祖庭將及四載風規嚴肅
內外安貼仰體師志力行祖道不特宗眼圓
明實有古德作畧可謂善繼善述者也欣羨
之餘即用先生韵率成一首

滿院香飄午夢晴行高何慮道難行家風遠紹拈
花盲祖印重提折竹聲攻玉慚叨師一字挑燈細
話石三生從茲坐斷孤峯頂那管滄桑歲月更

次留別韵

春陰連日值初晴剴喜君來又送行露浥殘花含

息景齋詩集卷下
別淚泉鳴斷澗帶離聲人當衰老交偏重吟到情
深思轉生縱使秋期重聚首不知山月幾回更

奉輓茶圃

吾生落落少同群卅載寒交祇有君別後但知離
思苦秋來誰料死生分難忘聯榻聽春雨最憶尋
梅踏凍雲欲奠先生無別供一杯山茗一爐熏

老病苦熱秋暑轉劇一夕雷雨頓成清涼世
界喜而書此

老病最苦熱况復旱堪憂雷送三更雨涼生八月
秋不惟殘暑退又得夙疴瘳更試身輕否扶筇上

小樓

病起書况

病起荒江感物華扶筇塔下興猶賒綠蕉得雨將
抽葉紅藕生涼未減花爛煮南瓜供午饌細煎活
水試新茶蹒跚再到經行處小閣無人燕作家

旦公雨阻白雀夜話聯句

山中欲去尚延緣試茗新添活水煎唯寒雨多情
留夜話然閑雲無着伴枯禪唯衰殘宛似風前燭
然悽惻渾同秋後蟬唯百懶翻餘吟興健撫髭覓
句竟忘眠然

中秋夜懷柳南先生并堅其約

病逢佳節成虛度自分中秋有幾番
方外寒交慙我在社中舊友只君存
呼童預掃花間榻候客頻開竹下門
若使不忘衰老衲何時理棹到荒村

余于白雀四度中秋兩回卧病悵然有作

兩度中秋病今番倍覺增薄寒
欺破衲孤月奪殘燈覓句心仍在
登樓興未能來年縱強健已越八旬僧

雨夜不寐

荒村陰半月老病卧空林
榻衲溪聲冷燈連嵐氣

深聽殘一夜雨滴碎五更心
輾轉難成夢徒勞枕上吟

唐水亭六十

衲扶筇祝嘏來茗杯可許當霞杯
老梅先我知君壽預向長筵破臘開

幽栖何必在烟霞况近青山與水涯
的是詩人高隱處石橋西畔荻簾斜

一修梵行一儒風輸尔吟情老愈濃
記得昔時在春暮徵詩訪我到三峯

生朝晴暖似春朝小閣筵開景自饒
一角辛峯呈

晚翠盡情收拾付詩瓢

抱疴白雀喜柳南枉顧即用三峰見訪韻
一棹夷猶好趁晴不辭廿里到村行燈先昨夜花
含笑鵲又今朝喜報聲逸興肯隨年共減吟懷偏
向病中生歲寒舊友惟君在卅載交情未變面

學徒果唯旦豁菴校



西菴老和尚少時師事圓沙錢先生與先君為同
學友禪誦之餘研精詩律所交皆當世知名士望
重一時集中詩可覆而按也舊刻息影集久已流
布今年近八旬學益懋詩益醇積卷日益富乃不
自足以舊刻猶未愜心刪存十之二三并將歷年
所得詩決擇去取編成三卷示余且告之曰律然
畢生嗜吟性鈍未窺古人堂奧非敢言詩妄異傳
後亦以一生精力嘗瘁於此不忍棄也子其知我
為我記之余憶髫時時隨先君過從備聆言論迄
今四十餘年宛然如昨先君墓木久拱圓沙先生

門下無一存者而和尚巋然靈光為吟壇壽耆痛
先人之久背幸老成之尚存不鄙末學虛懷下問
自慚固陋聊識數言於卷末至其詩品在唐人齊
已皎然之間已詳諸先輩弁言余不贅

乾隆十四年己巳九月同社後學江藻拜跋



